


黃梨洲先生著

# 南雷詩曆

續鈔堂藏板

詩曆題辭



余少學南中一時詩人如粵韓孟郁上桂閩林茂之古度  
 黃明立居中吳林若撫雲鳳皆授以作詩之法如何漢魏  
 如何盛唐抑揚聲調之間規模不似無以御其學力裁其  
 議論便流入為中晚為宋元矣余時頗領崖畧妄相唱和  
 稍長經歷變故每視其前作脩辭琢句非無與古人一二  
 相合者然嚼蠟了無餘味明知久久學之必無進益故於  
 風雅意緒濶畧其間驢背篷底茅店客位酒醒夢餘不容  
 讀書之處間括韻語以銷永漏以破寂寥則時有會心然  
 後知詩非學之而致益多讀書則詩不期工而自工若學  
 詩以求其工則必不可得讀經史百家則雖不見一詩而  
 詩在其中若只從大家之詩章叅句鍊而不通經史百家



終於僻固而狹陋耳夫詩之道甚大一人之性情天下之治亂皆所藏納古今志士學人之心思願力千變萬化各有至處不必出於一途今於上下數千年之中而必欲一之以唐於唐數百年之中而必欲一之以盛唐盛唐之詩豈其不佳然盛唐之平奇濃淡亦未嘗歸一將又何所適從耶是故論詩者但當辨其真僞不當拘以家數若無王孟李杜之學徒借枕籍咀嚼之力以求其似蓋未有不僞者也一友以所作示余余曰杜詩也友遜謝不敢當余曰有杜詩不知子之爲詩者安在友茫然自失此正僞之謂也余不學詩然積數十年之久亦近千篇乃盡行汰去存其十之一二師友旣盡孰定吾文但按年而讀之橫身苦趣淋漓紙上不可謂不逼真耳南雷黃宗羲題

舊詩序

太史公曰詩三百篇大抵聖賢發憤之所爲作也以予論之當周之盛刑賞明於上而公道昭治化休明士生其世雖有怨誹無所用之詩三百篇非皆變風變雅如詩人所謂怨也蓋有在父子兄弟朋友夫婦之際而吾獨於君臣之義隱約其意焉以爲詩人之肯庶幾冀其一悟非自處於怨已耳上之賞罰不明而後下之人乃有以怨行其私如檀弓所載居父母兄弟之讎及周禮調人之篇者雖傳記所不廢然使有明王在上公道昭而賞罰行何待使其人避之海外千里之遠又何至使爲人子者有終不能報而不至不與不共戴天哉無怪先儒以禮傳出漢儒之手不足深信而詆周禮爲戰國陰謀之書也乙丑丙寅間搢紳



之禍極矣正人君子駢歿詔獄而餘姚白安黃公與焉當是時逆璫借外廷以攻君子非先帝意也公有子太冲博學能古文詞尤攻爲詩讀所爲老狐行若未嘗怨誅其上而一時受禍之深所以致禍之由讀者如見其人蓋深於詩人之意者人知太冲之微文深遠而不知今上之誅賞爲能大慰忠臣孝子之心是以怨誅而不亂也吾所謂刑賞明於上而公道昭今非其時與蓋於是歎檀弓周禮之記果未必出於聖人之書矣先時芝產於詔獄而諸君子之禍興天禍君子於獄而瑞先之然非聖人中興諸君子得袞顯贈諡庇及泉壤芝雖瑞與凡艸等耳吾於是而愈誦上之英明神武潛消大變爲合德于天地也稽紹王哀一仕而致身蕩陰之役一終身不仕而門人爲之廢蓼莪

彼其主化家爲國而君臣之分有可議者非今日比也吾願太冲勉之社盟弟艾南英序

黃太冲勾餘才士故侍御贈太僕卿白安公之嗣子也太僕公負中正之節櫻逆黨之燄抗疏直言殞身比寺天下莫之敢明太冲以弱冠伏闕訟寃義動當世咸曰忠臣之有子也如是太冲雖才何暇以文采自見與才人韻寸爭尺寸之席哉壬申冬崑山朱浮石先生以太僕公門人手太冲所爲詩一册示予因傷太僕公事聲淚俱至汝南郭亮之風千載再見然予讀太冲詩感憤寓物之言十之一詠事十之三贈答十之五閨語十之一未嘗自譜其年月以其詞繹其志蓋發憤於太僕之所爲作多矣此浮石先生所以悲也古人忠孝之語哀激所次有脊有倫况出之



雄文博學之輩衝之口而被之音天地鬼神感通之至數  
該焉蓋不求爲韻語而不能不爲韻語所謂長言之不足  
又從而詠歎之是也何足怪哉三百篇之亡乃有離騷遂  
接風雅爲後詞賦之祖夫屈子義兼親賢使不遘上官子  
蘭之徒騷亦不作騷之爲言憂也故屈原特以其憂傳而  
千餘年之後宋遺民謝翱者復以其哭不朽髭髮諸詩先  
儒以爲直遡盛唐以上夫臯羽世經義之學應進士之科  
使不罹宋季之難感文信之歿詩亦不作故臯羽之詩乃  
與其哭俱由此言之情不絕語必不至文字皆然而况詩  
之道乎太冲英才磊落挾以少年之氣今其詩幽折陟拔  
而怵悒多思與老成積於世故者相類其鐵琴歿戰馬老  
狐行諸篇命事稱名亦頗與原之山鬼國殤翱之鐵如意

玉塵尾同至其紅閨麗事諸詩豈所謂托情男女亦宓妃  
佚女洗藍曲楚女謠之致類乎何其情之峭以深也哀心  
感之無言不疾改曰發憤於太僕之所爲作多矣夫道彌  
往而風彌厲古今皆然文字之槩亦觀世之理也惟太冲  
負忠孝之極思佚按衍於心者旣甚而後溢之爲詩故不  
獨有詩而詩復鏗急絕人風氣逼古此予所以例之屈原  
之憂與臯羽之哭而爲言耳不然太冲遭遇明聖忠臣之  
魂已雪黨人之碑旣踏以彼其才進用於世非二子之所  
可同日而語也社盟弟羅萬藻序

余屬李昭武先生門下士得接侍言論因備知黃白安先  
生之品與先生之子太冲之才當天啓之季逆奄煽譖禍  
難陰流海水羣飛蔽于天沈舉朝戒於凶威藏頭過身先



生獨與李仲達先生奮起而擊之矯手不屈志凌雲日卒以倡忠臣之氣而寒逆賊之心使創慮難圖者知國有人焉猶不敢速動於惡以遂其今將之心事隔于人存而機啓於身後則先生之以爾先生以一身而易天下則莫不利易也當先生擊之之時使天子覺悟此時天下之禍未深不過執退之使奉祀陪京而已又使逆璫狂僭稍革薄先生之罰謫止一官如此禍有所止無以激發天下之人之心以是爲先生之功先生之功僅也今皆翩然反之璫之禍天下與璫之禍先生至於如此之極而後璫之深禍隨之然則先生雖一瞑而萬世不視其爲視也多矣太冲之文猶先生之節也方先生之不受誅盜有寵未可得也太冲如將殞焉尸行者漏命頃刻太冲無所爲者臣子一

例爲亥父而仇生君奚可設逆璫有所出事而以黃氏一塊肉飽于方斧是再殺其父也太冲痛難在身亦焉忍之寄血誠于悲響哀鳴嗷嗷而已夫先生歿而後逆璫生逆璫生而後天下之毒甚與天下之憤深天下之毒甚天下之憤深然後逆璫之誅確而先生之功高此理之自然無可疑者然雖理之自然未必事之決然也理然而事不必然則先生之目瞑乎未乎是未可知也國創一日不除則先生之志一日不快先生之志一日不快則爲先生之子者枕戈待旦思一決以衝仇人之胸者無時而釋事也事不得出而徒寄之言以瀉之雖欲持平奉吉其可得乎今也竊國之奸先帝欲誅而未遑與先生欲誅而不得者天子聖神獨奮乾斷而誅之日月清夷風塵不動思其國福



者拊手感其家禍者愜心迄情盡意無復遺憾先生以為  
可以瞑目而無憂矣先生不難殺身凡以求此也求遂欲  
得而又何恨焉先生而在方變昔日豎髮裂背之封事為  
今日呼嵩告廟之聲歌典午成而王生廢業逆璫敗而黃  
子行歌此固忠臣孝子之行也孔門服闋予之琴有成聲  
者先生制禮太冲其敢過之也夫社盟弟陳際泰序  
三序皆少時舊稿今無一存者存此以識知己之感

南雷詩曆目錄

卷一

禁旱

將進酒

鷗鳥

四明山家

天台家書

天台思歸

陌上桑

寒夜月山

臥病

九日

蚤發東明

四明山古祠

寓黃巖

臨海度歲

東湖樵者祠

贈二存

貞女引

亂礁洋

感舊

元夕悼侍者

聞杜鵑

哭外舅葉六桐

村居

長夏

宿雁蕩靈巖

飲酒

百官渡

過東明寺

四十初度

偶書



宿積慶寺

大雪

魏已任故居三首

堇壽兒二首

夢壽兒二首

向家術草菴

憶化安山

堇子婦孫氏二首

悲運孫二首

夢壽兒

又夢

初度夢壽兒

書年譜上

上壽兒墓

思壽兒二首

宿石井二首

登蘿壁山

哭壽兒墓二首

讀上蔡語錄

夢亡友

洋溪暮歸

鳳鳴洞

金鼎觀

虞邑賽神

得沈眉生信

山居雜咏六首

哭沈崑銅三首

梅花

製新茶

種百合

西瓜初熟

七夕夢梅花

釣臺

河口家書

五老峯頂二首

東材寺

圓通寺

歸宗寺

贈智瑞

三疊泉

玉川門

銅陵

憶沈崑銅

荅且中

書侍者墓下

觀雙瀑二首

王仲撝過草堂二首

鹿鳴

智果寺松

次何伯興韻

出龍虎山二首

荅何令

元夕至郭姥廟

女孫阿迎二首

二月遇火

五月遇火

元夕遲萬貞一

水生草堂

病瘧二首

寄友

老母七十二首

卷二

待祝兒

與熊魚山

贈以靈

集靈巖

與徐昭法

簡石騎虎圖



雪中牡丹

過故友墓下

集水生草堂

夢汪魏美

輔潛菴墓

三乞 三首

鮑螺

八哀 八首

舒文靖遺書

接家書 二首

孫子度殯宮

偶成

萬貞一近文

宿天章寺

宿雲門

達蓬紀遊

索圖書

宿石井

贈仇滄柱

寓吳山

遊西湖南山

得沈眉生書 一首

次管乾山韻

次林君言韻

新菴

不寐

弔虞鑑清

茶條

贈屠宗輿

老母八旬 四首

沈石硯

避亂 二首

返故居 二首

遊永樂寺

飲洋溪

聞人老者 二首

慈湖先生墓 三首

史嵩之墓

懷匹友 五首

贈錢子璧

集道遊堂

海上圖 二首

後貧交行

日觀圖 一首

陳青田話舊

哭沈眉生

丙辰九日

寄陳介翁 郊外觀菊

雲岫山觀合朔

次祝獻虞韻

海鹽觀海

胡孝轅藏書

楚石衣鉢

贈章淡如

次葉詡菴韻

族兄七十 三首

哀章淡如 二首

舅氏見過

贈陸汝和

徐虞求墓下

申山人墓

周公謹硯 四首

送萬季野真 三首

張司馬墓

唐殿宣書屋

芝兒上府

次山曉韻



贈百歲翁

青藤歌

謝百歲翁拄杖

聞太宰筇杖

平陽寺舍利

壬戌七月望

七月梨花

初度

中秋無月

十六夜

題徽音詩稿五首菊

寄周子佩

寄周子儼

壬戌十月望

紅葉本事詩

七首有感二首

與道傳間遊

歲暮望兩兒歸

二首謝查夏仲棕杖

苦雨二首  
以下癸亥

答陳介眉

懷金陵舊遊十首

江村二首

次鄭禹梅韻

書詩人壁

次鄭平子韻

飲陽和書院

弔印月禪師

次徐文長題壁

尋禹穴

朱六陵

與唐翼修論文

題顧端文書札

顧郡守雅集

王九公集湖坊

次張晴峰韻

雜咏四首

懷陳令升

過法相寺

書事三首

校書乞詩三首

送校書還天台

二首題獅林壁二首  
乙丑



南雷詩曆卷一



同門董瑒無休世  
門人施敬勝吉較刻

崇旱

以下舊稿

亢屯逾十旬插秧未過五一漑得餘生彌望亦割午醜汝  
湫籬根寒火類吹蠱炎風盪羣和及時穗不吐穢車懸牛  
宮膚寸俛甘乳鶴井豕渡河田家說多瞽聞者殿其雷電  
笑粲於黼謂當導天潢皎月掛簷宇老農鳩族言雨界各  
有主山中多龍洞真官治水府龍神喜媿媚陳哀須盛伍  
大姓誇旌旗單門裂裳組益益釜洗器叅震於金鼓鎗鉉  
臨深淵神聽似難杜窮谷狡獪兒降神婆娑舞刻期恣置  
戲所饗在酒脯羣農更潔詞終不言媿侮精誠達明神庶



南雷詩集卷一  
幾憫愚魯致，早或有由殺農。又何補。

蚤發東明禪院同芝兒

鐘聲破山靄，繩牀卷餘夢。霧交猿路迴，泉亂魚心縱。斷虹方闕日，春禽有剩弄。灰暖梯水田，樹廣貧居棟。世亂纔息心，何免泉石諷。

三月十九日聞杜鵑

江村漠漠竹枝雨，杜鵑上下聲音苦。此鳥年年向寒食，何獨今聞摧肺腑。昔人云是古帝魂，再拜不敢忘舊主。前年三月十九日，山岳崩頽哀下土。雜花生樹鶯又飛，逆首猶然。逋膏芥燕山，模糊吹蒿薤。江表麀怡跌鐘鼓，太王畜意及聖昌。與窳通誠各，追數金馬封事。在渠書怨毒，猶然在門戶。靜聽嗚咽，若有謂懦夫亦難。安雙敢何不疾呼，自朝

堂徒令滄流沾艸莽

將進酒

中坐胡爲君，奠解談忠說。孝舍風刺君，不見秦繆醜和議。陳書全孝弟，又不見賈似道。易簧青詞鑿忠義，飛章諂冀誣。李固忠經煌煌懸書肆，是非黑白何由定。誰言蓋棺有成議，聖賢箋注忠孝不甚明。何妨勸進之手，索考異對酒。寧與時人爭淵意，頓涸徒惟悴。堯舜千鐘孔百壺，周公酒誥又非類。牽經引禮總亂絲，放駕朝歌且莫避。

四明山古祠相傳其神王，翦余按秦王命王鄞驅山塞海百靈勞。役奔入此地，因名鬼藏山。是由王鄞而譌傳也。告之者舊正其祝板。

亂溪老木鎖遺祠，蕭條門榜漏碑題。巫覡迎神穉王翦肅



然像設如熊羆吾聞秦王觀滄海巨浸稽天填塞之鄞也  
咎撻役鬼神狡獪脫籍來藏茲埽埴偶人鎮空山至今尚  
足戢蛟螭按據姓名補神絃事雖荒唐庶有稽斯民方苦  
阡危區深林滌地寡安居豈能托鬼與共藏奉薦祠下胡  
勝悲

金陵哭外舅葉六桐先生

泥塗身事苦行止自難持春雨迷台路秋聲滯燕磯音塵  
三月斷傳說數番疑夙昔風期在青燈或見之  
人傳星隕日正是月虧時間計時方月餘流水秦淮咽黃花籬落  
衰編文後歿責稅服禮經疑淚入三泉下寒風莫浪吹

遲明百官江候渡鷗鳥蔽天而過上人言其出海就  
食退宿深巖人迹偶及必遷他所鷗鳥忘機者也知

機亦孰能過之

此來數十里更去百重濤朝吞沙石樂暮聚霧烟高欲托  
安。危。外。寧。辭。踪。跡。勞。土。人。習。往。返。三。歎。謂。吾。曹  
古渡遲舟久野鷗陣陣高羽聲亂木葉寒影散空臯猶帶  
巖花雨相衝冥海濤何須希有羨得意在朋曹

寓黃巖

臨海饒風物旅情亦漸移朱藥山客餉方石野僧遺村酒  
成紅麴山肴脯赫狸明朝直令節社鼓賽王維縣有五維廟

村居

好景惟初夏藤花絡萼門雨後鵲聲亮雷前蟹火繁新茶  
採謝嶺姚江茶產自謝公嶺者第一小說較南村世亂安泥水心期漫

過論



宿四明山家

四明週地廣好事亦艱難山舍偶然宿風流不可刊縣城  
八十里鳥道百餘盤粗野同麋鹿真誠愧佩冠謠謠成誦  
讀花鳥滿牕欄畏吏忿爭少延賓禮數繁鷄鳴隔嶺店杵  
響入雲垣縛屋連高栢採蔬雜射干婚姻燈火望冬夏谷  
陰寒農器傳之祖輸糧不自官半年蠶急備五日市求餐  
水涸魚筮密年荒鴉確開數村同社學三郡合峯巒堊廟  
壘神降深湫罔象安楓龍震雨夕怪鴟哭更闌婦面粉鉛  
惡樵肩芝菌丹青虫篆柿葉文雉啄幽蘭市果小童詫藥  
名本艸刪嵐深日少至洞古霄常丸驅鹿溪增柝防彪壁  
畫團松篁夾徑覆椽榭染衣癡禾長帶烟雨巖移起蟄湍  
愛奇尋怪僻卽事何忻懽拾級皆堪賦臥遊不假莞繞行

羣翠下使我發三歎

臨海石佛寺度歲

紙牕漱漱暮光凝淒斷江城畫角興啄雪饑鳥驚折竹送  
年孤旅眷居僧巖崖多有天生屋雲水嘗聞自在芻吾亦  
好奇曾夙昔奚爲勇往未全能

長夏

終日荒途隔往還荷風斌媚漑心顏硯因蠅集更番滌筆  
爲蜂巢次第閱精騎羞爲安性拙狂歌中斷憶時艱誰言  
艸木難甘腐尚以成螢恨欠頑

天石家書

山城古寺歲將除猶問鄉人度嶺無欲歸欲留未成計惆  
悵寒窓難下書



東湖樵者祠

東湖樵者之神位下拜寒梅花影邊姓氏官名當世艷一  
無憑據足于年

夜宿雁蕩靈巖

千峯瀑底掛殘燈霧障雲封不計層  
呢讚模糊昏課畢亂敲銅鉢逐歸僧

天台思歸

歸計漫漶對短檠千巖不斷夜來聲  
春霖未必皆芳艸枕上偏多白髮生

贈周二存先生

以下丙戌至辛卯

我有老蒙師別去三十年避亂轉山谷  
邂逅覩蒼顏牽臂入茅屋敗壁無泥纏  
故帷幾甲子斷縷蛛絲牽窮老底如

此猶曰賴聖賢軋土蔬蝟毛酷日瓜兒  
拳呼婦為炊黍抱甕纒寒泉我攜三子行  
一一使安眠在難感真意反用為淒然  
論交滿天下徘徊此日間

飲酒

托處南山下傭丁代畊播六月正翻車  
一闕走國破歸來省舊業狼茅覆芒糯  
吾方艱壺漿恰秉營醞和醴酒一宿成  
雨牕慰日暮所愧中道捐垂實見收荷

陌上桑為馬晝初作

日出東南隅照我秦氏樓秦氏有好女  
自名為羅敷蠶月倉庚鳴桃花映城隅  
羅敷採桑至容華花不如約束寒女心  
辛苦事區區使君從南來五馬立踟躕  
遣吏謝賢女豈可同行車羅敷前致辭  
使君莫睢盱使君自有婦羅敷自



有夫使君復羅敷羅敷一何愚東鄰有艷婦莊躡殺其夫  
艷婦婦莊躡曼靡專房居粉澤靚腦臆金翠綴足跣宛轉  
欲邀人嫋嫋風中葉艷婦有娣姪葑菲棄泥塗不得主人  
憐妖態換須臾西鄰有處女學舞邯鄲初蕙蘭想精神瓊  
瑤琢肌膚同儕媒妁盡鬪艸春風孤誰能守空房落月聞  
夜烏渙渙桃花水溱洧多狂且金夫不有躬燕婉求籛條  
使君有車馬車馬如龍驅白玉裝前楹黃金飾椒圖嫁夫  
滿天下寧有使君殊朝朝行採桑不能成羅襦曷爲恒憂  
苦羅敷一何愚羅敷重致辭誠哉羅敷愚人生各有志一  
不同途東鄰與西女賢者豈拘拘

貞女引贈萬履安

吁嗟乎覆水不可收落花難上枝未聞女嫁爲婦婦還可

以女爲一解

三爲皇后七爲夫人古來夏姬雖淫未嘗謹

言二解

有女來婦三醕燭出良人一去空房苦蕭瑟三解

世人女重婦輕女重如朝華婦輕同落英四解

了頭低面

自稱曰女以告媒氏媒氏亦齟齬五解

次室處女悲吟斷

續鄰人謂卿昏車相屬云何困苦徬徨所欲六解

處女聞

之援琴自傷悲忠而被謗信而見疑則莫予之知七解

下

有交頸獸仰見雙禽飛人懷禽獸心又何難乎知音八解

促促人間豈與我同夢終身不嫁吾心豈偏反乎春風九

解

人亦有言人之相去如九牛尾吁嗟乎貞女十解

十解

辛卯中秋與晦木候渡百官江觀潮

夜半津船不可呼朦朧月色立泥塗闐闐殷殷高以麓細

聽尚在百里迂倏忽浪花約束齊三山浮來海之隅岸脅



追厄容區區鷺飛屋捲爲前驅地軸動搖觀者瞿無風亦  
有飄墮虞吾聞其神伍公魄國亡不救遑身惜至今杳渺  
見靈旗怒氣千年留新迹古來冤憤豈一事後之視今今  
視昔直待萬物得其平朝不爲潮夕不沒人間尚有弄潮  
兒樂哀不知鬼神謫

寒夜月做孟東野體

霜輝濯寒魄景象恒過清止于枕上看不可立中庭枕上  
尺光中庭千里橫千里多傷悲一尺已崢嶸貧病賞明  
月更無絲竹聲但言此夜好已完看月情始知天有月不  
爲貧病明

亂礁洋

亂礁浮海國千年兩度臻太空留寒翠世外發奇文草木

柔。姿。不。得。麗。雲。根。中。原。佳。麗。地。墮。爲。耳。目。塵。上。帝。命。巫。  
咸。設。此。招。沉。魂。礁。聲。寄。古。哭。古。哭。尚。殷。殷。誰。謂。孤。蓬。間。新。  
恨。高。氤。氲。

過東明寺

獨對千峯側心原與境訛吾身已再世古寺恰三過歲月  
塵蒙壁牛羊夕下坡好風四面至吹淚壓藤蘿

臥病旬日未已問書所憶

此地那堪再度年此身慚愧在燈前夢中失哭兒呼我天  
未招魂鳥降筵好友多從忠節傳人情不盡絕交篇於今  
屈指幾回歎未歎猶然被病眠

劫火燒餘此病身更無思慮染秋塵打鍾掃地今行者阮  
哭嵇狂僕恨人風浪滿庭閉暮日鶯花極目坐芳辰靜中



探得真消息只覺於今萬物親

感舊

高談不見陸文虎深識難忘劉瑞當豈料一時俱奪去浙東清氣遂銷區

抄書結社自劉城余與金閻許孟宏好事於今仍舊香烟雲過眼亦傷情

敬亭二沈最交親一別於今十二春已脫從前鈞黨禍如何猶作不歸人

義月兩公昔舊游一生一歿已分頭我亦同叅竹篋子衰未敢接源流

寒江纔把一書開耿耿此心不易灰落日歌聲明月罵不堪重到聖湖來

感舊

高談不見陸文虎深識難忘劉瑞當豈料一時俱奪去浙東清氣遂銷區

抄書結社自劉城余與金閻許孟宏好事於今仍舊香烟雲過眼亦傷情

敬亭二沈最交親一別於今十二春已脫從前鈞黨禍如何猶作不歸人

義月兩公昔舊游一生一歿已分頭我亦同叅竹篋子衰未敢接源流

寒江纔把一書開耿耿此心不易灰落日歌聲明月罵不堪重到聖湖來

劉門弟子祝王稱亦謂捐生似近名今日風波無畔岸自慚不值一錢輕

南都防亂急鳴梟余亦連章禍自邀可惟江南營帝業只為阮氏殺周鑣

維斗危身自丙寅人中此日效靈均於今名士皆生色此是吾儕復社人

甬上風流盡雁行履安今日魯靈光兩年貧病存形骨一夕西總截瘧方

麻子妄將一木支朗三祖武宛陵詩郵筒寂莫人憔悴疊足挨肩向市兒

棗間隱跡懷孫爽藥籠偷生憶陸圻浙西人物真難得屈指猶云某在斯

張岐然改名濟義江浩改名濟月

崑鋼在西湖每日與余觀劇月夜扼腕昔事罵不絕口

祝淵王毓著

維斗丙寅擊緹騎幾與五人同禍

履安病瘧余至不發

麻三衡字孟璿梅朗中字朗三與余倡和甚多

史禍之後麗京自貶三等以此詩封還請改月旦



鍾山夕照暮秋時窮巷長過林茂之兩目今盲需藥物那  
能復度此流離茂之名古度昔年贈余詩有與君同有終天恨之句

邂逅詩文重二韓當時倡和在長干上桂談兵終不試如

璜藏血未曾乾上桂字孟郁如璜字姬命

虞淵事業已難憑此意沉埋却未曾夢哭蘆花寒月上誰

人更復唱平陵孫嘉績字碩膚

四十初度

恰值秋光一半輪池塘又見蓼花新先公殉國餘三載

先公殉節在四十三歲今予只隔三載孔子懸弧易一辰子祿命與先聖只換一字欵枕

夜簷走甕雨腰鑷雲頂墮巢薪悲涼滿目都成淚何處西

臺哭故人

元日

一秋多病臥匡牀豈謂登高欲斷腸菊圃無花經亂後  
有風雨似重陽

甲午元夕悼侍者甲午

元夜風光好如何竟隕生遙聞十里鼓送汝九泉行假髮

侵書帙簪梅笑臆瓶猶疑侍左畔相顧一燈檠

雀啄庭梅盡誰知是不祥榜間橫白板古寺斲楓香啓篋

還明鏡臨行起翹鞋欲留身後話不管斷人腸

偶書

酒醒床頭月未斜生憎怨鳥逼牕紗只將苦字啼宛轉落

盡荒村寒食花

同澤望芝兒宿積慶寺遇獨朗定空

亂山草蓋三間屋曾有先朝御筆排故物至今畱鼻屨流



年只好抹皮鞵松濤欲汎禪床去寒葉已將佛跡埋却爲  
一番多話舊友來牽課道人懷

十一月二十八日大雪

爲說他年雨雪時數番眞足繫追思長安貂帽旗亭酒樊  
榭。苾。鞋。古。寺。詩。水。柱。千。尋。逢。洞。口。桃。花。萬。樹。壓。湖。溜。如。今。  
垂老荒村裏布被蒙頭不出棺五是雁蕩六是臨海東湖

從化安山至魏已任故居乙未

人日登高罷沿溪亂石圍主人已宿艸春酒復開盆負此  
相親意淒然去後言不堪歸路裏斜日嶺頭猿  
高。恭。不。失。禮。巢。谷。見。前。聞。自。昔。知。音。少。於。今。世。難。殷。長。宵。  
螢。出。樹。苦。雨。鹿。離。羣。望。我。淒。涼。盡。淒。涼。更。失。君。  
兩歲荒山道維持賴子多驅猪同望舍引水下高阿寒夜

燈相照雨天展數過憑誰舉舊事一一不能磨

至化安山送壽兒以下丙申

五年吾閉戶賴汝得殷勤朔雪遮新土荒山出小墳天昏  
吾自去月暗汝誰羣臨老無多淚溪流總不分  
今年行哭路去歲此登高倏忽兩人日歿生一馬尻梅花  
薰飯碗石骨冷方袍去汝墳三步幽堂自卜牢

夢壽兒正月十二夜

兒棺三尺弱吾夢入周旋絮冷交春雨紙吹送別錢精靈  
渾不隔長短信徒然芥子須彌理於斯不復箋

自從兒殯後無日不寒霖天意猶憐汝老夫何復心看書  
皆壽字入夢契中陰一半黃鬚在還留白自今

正月晦日同澤望至草庵與克歸話舊



風篁窈窕樵人路初闢叢林洞下宗墻角梅花五六樹  
前積雪兩三峯弁山諸老吾親見畫壁蒼顏喜再逢慚愧  
廿年塵土老始聞嗣法有渠儂克歸供粹  
白離言像

憶化安山

昔以兵亂不得上壽兒墓

招魂何自不歸家火冷春深艸欲遮可奈一杯寒食飯難  
澆三月杜鵑花青青亂筍穿墳出汨汨溪流傍晚譁惟有  
子規啼向汝老夫洒淚隔烟霞

再入化安山送子婦孫氏葬

四月二十二日

可憐腸斷小墳邊又向楓根築墓田昔日嫂曾梳短髮今  
來兒不怯啼鵑紅花都是啼痕染明月難隨恨地圓只道  
出門還偶爾誰知竟不到門前  
魂歸前路指喪車鋒鏑雙城買道賒生既漂搖從海外灰

胡刺盛在人家

昔以避亂  
寓外氏

桐棺三寸非明儉白鷺成羣亦

當麻縱有歸魂歸未得一庭空閉未開花

子婦客歿一孫又以痘殤

五月八日

揭來四月疊三喪咄咄書空惟欲狂八口旅人將去半十  
年亂世尚無央不知負行緣何事如此憂心得不得傷白日  
獨行城郭內莽然墟墓覺淒涼  
滑滑聲來古渡邊兩僮舁櫬下江船干戈尚阻離人哭風  
雨不飛買路錢遮骨蓬蒿憐一尺驚心花鳥怨千年雖知  
聚散徒為爾臨水登高總泫然

夢壽兒持兩杯盤置燭臺上

杯盤燭跋舞筵脣竹馬喜從天外臻久不夢兒今夜夢醒  
來憶是汝生辰



閏五月十六日夢壽兒

見。已。是。半。年。期。排。豁。悽。愴。未。有。時。似。應。憐。我。思。兒。甚。故。使。生。辰。一。閏。之。

初度夢兒

去。年。此。日。此。庭。邊。短。髮。鬢。鬢。拜。我。前。衣。染。霜。花。從。柏。葉。餅。憐。月。影。畫。嬋。娟。肯。將。絕。句。兩。三。首。兒常誦絕句換。取。新。詞。甲。乙。篇。賈似道生辰亦八月八日四方獻新詞今日嬌兒來拜者以數千計悉彈翹館勝夜以甲乙第我。夢。中。蕭。索。五。更。天。

書年譜上

等。閒。四。十。七。於。今。風。絮。雨。萍。何。處。尋。八。尺。血。光。開。鬼。路。二。商。本音滴叶商日。影。破。琴。心。雞。推。噩。夢。歸。殘。角。自。比。古。人。庶。燕。林。珍。重。他。年。書。下。卷。苾。鞋。藤。杖。記。登。臨。

上壽兒墓

阿。壽。已。來。三。百。日。更。無。一。日。不。淒。然。春。風。方。阻。啼。鵲。哭。清以。兵。亂。不。上。墳。秋。色。已。歸。楓。樹。邊。陳。飯。燒。錢。當。此。日。採。花。弄。水。憶。前。年。數。聲。小。字。空。山。裏。總。隔。幽。明。亦。貫。穿。

思壽兒

世。路。相。看。真。兩。厭。閉。門。匡。坐。只。寒。灰。去。年。記。得。嬌。兒。在。一。日。相。呼。有。百。回。紅。林。半。月。好。追。攀。因。過。刻。中。第。一。灣。只。恐。骨。寒。眠。不。得。老。夫。清。淚。浸。南。山。

花朝前宿石井

以下丁酉戌亥

繩。穿。憶。得。去。年。事。慚。愧。高。樓。聽。落。滿。紅。燭。猶。嫌。寒。話。短。竹。鷄。亦。道。路。行。難。相。看。白。髮。經。三。世。耐。得。青。松。此。兩。山。感。慨。



便成孤負却銅丸

計是常餐

去年為山兵縛至此地

廿年曾宿溪山路枕上仍前徹夜風清氣不容塵外慮好詩多在月明中花前聞鳥聲偏亂兵後持杯淚易濃珍重西牕書甲子續遊何日剪燈紅

登蘿壁山碧霞元君祠

城南千尺蘿山頂士女傾城賽碧霞香火聚從新亂後人情欲趁上春華衣聲絳繚山風至粉雨淋漓樹影斜老我狂游真值得憑闌一勸望天涯

寒食哭壽兒墓

小墳兩度逢寒食始得紙錢掛樹傍却為恨深愁緒重從他風起不飛揚

既設松花寒食飯旋燒黃紙降真香兒年纔五婦十七嫂

叔同盤也不妨

讀上蔡語錄上蔡家極有好玩後盡舍之一好硯亦

與人慨然賦此

有宋上蔡謝先生一硯不留磨破瓦要使胸中自廓然世間何物更難捨而吾平生玩物心擾擾無殊于野馬忽然北風捲土去不名一錢在屋下突兀三硯真奇物天將史筆委之野一硯龍尾從西士傳之朗三宣城梅傳之我燕臺澗洞風塵中留之文虎甬上陸符亦姑且十年流轉歸雪交

余書室名雪交亭

治亂存歿淚堪把一硯活眼暈九重秋水時向

明牕瀉丁子王作合玉硯于祀古文出亾社三硯縱橫傍短檠雪屋無烟亦瀟灑昔年送女入甬東穴壁偷兒不相假吾時聞之在中途欲行不前奈兩蹠嬌兒阿壽恐吾傷



乞得滑視強吾寫吾為阿壽勉強笑握筆終然多牽惹開  
卷今見上蔡事使我愧汗如盛夏丈夫力不能自割偷兒  
真為益我者兒叵三載視四年有賊不向貧家打

三月十四夜夢萬履安及亡友陸文虎馮躋仲

月落楓林飛鬼車音容忽見是非耶  
簞溪有骨隨流水環堵無人泣裊花剛得寒松畱歲暮又驅饑火逐天涯存亡  
此夜來相聚病榻蕭然兩鬢華  
簞溪躋仲尸拋江上環堵  
文虎一妾已歿寒松履安

則在  
嶺南

從洋溪暮歸

薔薇籬落香干屋粉黛舟航艷一泓村社春深隨杜宇人  
情亂後仗神宮挨肩我伴兒童去一笑人歸明月中不是  
老來疏檢束憂多藥石總無功

范袁生詩集有庚寅同余游鳳鳴洞之作未嘗寄余

越八載始見之

古虞十里城南路柳綻梅開到鳳鳴洞瀉流雲河漢遠山  
藏古廟雪霜清幾年掘藥凌峯意還愧挨肩疊足行今日  
讀君詩卷罷此身恍已隔三生

至金嶧觀謁魏伯陽先生像

康節先生學雲牙  
伯陽字 實啓途即今攀故宅還似玩河圖  
金嶧觀四面  
山五行奠位 世遠丹泉竭兵餘老木枯淒涼一像設寄位  
在東隅

觀虞邑賽神

十月農功畢迎神舉國狂綠輿邀女冠  
鳳鳴真人 乘馬看桑土  
桑土水神 乘馬而迎野祭當街設優歌徹夜長不將城郭視只道是



豐稷

喜鄒文江至得沈眉生消息

二十四年相隔絕風霜吹老別時身君從樵獵埋名姓吾  
奪頭顱向劍脣落月夢中曾痛哭山嵐類處自逡巡驟聞  
消息反垂淚兩地猶然未故人

君今已向家山住婚嫁俱完自在身書到老來方可著交  
從亂後不多人紅林曾記斜陽路秋水遙憐書屋貧珍重  
文江煩寄語明年可得話艱辛

山居雜咏

以下巳亥

鋒鏑牢囚取次過依然不廢我絃歌  
亦其能奈我何廿兩棉花裝破被  
也是堂堂地豈信人間勝著多

誰說山中事事勝山中靜夜忒能憎  
婦呻吟吼虎鷹斜月蕭條千白髮  
身世今何夕生歿緣來無兩層

五十年中逐覆車邇來慚喜似山家  
後來尋野菊茶一兩皮鞵穿石路  
勉強差排得隨分風光吾欲誇

殘年畱得事畊耘不遣聲光使外聞  
講寺後唐清泰間所建風流德應宋時墳  
露此甘露降山鼠多年亦白紋  
畔有碑文

重來剡曲結茅茨去舍原無一頓時  
旬老子亦投詩始知天地騫崩甚還  
仗山村朴魯持

劉伯繩言



今日人心滅甚天地所以不崩而我不容今世路此情慚  
墮者是山野中人牽補架漏耳

愧又何辭  
數間茅屋儘從容一半書齋一半農左手犁鋤三四件右  
方翰墨百千通牛宮豕圈親僮僕藥竈茶鐺坐老翁十日  
蕭然皆自得年來經濟不無功

哭沈崑銅

傳歿傳生經二載果然烈火燎黃琮胸中畢竟難安帖此  
世終於不可容千里寒江負一紙甲午崑銅有書  
招予因循未赴百年隴  
上想孤松其身首未  
知得收否舊時日月湖邊路崑銅家有  
閣在湖上詩酒于  
焉不再逢

高天厚地一蘧廬君亦其間何所需此日黨人宜正汰彼  
云華士又加誅盛名自古為身累大厦真思一木扶月衣

有人留季漢應知俗論不能糊

君才自是如江海上下台曾與議論紅葉湖頭流畫舫春

風白下叩名園荆溪莫掩殘杯口司馬難銷亾國冤崑銅  
有遙

祭阮大  
鐵文此後是非誰管得街談巷說任掀翻崑銅與劉孝  
則論周荆溪

至于攘臂余  
解之方已

梅花 以下庚子

行來林下參差立吟到溪頭宛轉逢既可斜陽無寂莫偏  
於苦雨得從容五更醒夢香封屋千里懷人月在峯不似  
他年情思薄搜尋惟仗一枝筇

製新茶

簾溜松風方掃盡輕陰正是採茶天相邀直上孤峯頂出  
市俱爭穀雨前兩管東西分梗葉一燈兒女共團圓炒青



已到更門後猶試新 瀑布泉

種百合

磽确山田另一膳初移百合影層層採來瀑布山邊種送

自頭陀寺裏僧却信佳詩可治病從今清淚不沾膺王維詩言

百合太平猶記圖花萼倡和流傳我亦曾庚午南都報恩寺有百合十三

花吳人林若撫崗之率諸名士為詩

西瓜初熟餉諸叔父

收拾經綸付艸萊便同田叟計功來寒藤卧隴剛三尺碧  
寶登筐各數枚駝豕齊聲如叫屈引泉數丈便鳴雷須知  
不是街頭味應向區區一笑開

七夕夢梅花詩

梅花獨立正愁絕冰纏霧歎卧天闕孤香牢落護殘枝不

隨飄墮四更月新詩句句逼空濛嫣然一笑隔林樾有如  
高士白雲表半矢烟消山雪合一生寒瘦長鑱命伸頭窺  
天亦半缺誰寄山瓢落葉中瀉向梅花同傲兀已上六韻  
夢中作瓜舍驅豬方砧砧床頭摸衣境過清不謂三伏猶  
未卒始知此夜梅花詩未與炎景相唐突

釣臺

會注西臺慟哭記摩娑老眼見崔嵬當時朱鳥魂間返今  
日誰人雪後來江上愁心絲百尺平生奇險浪千堆欲脩  
故事如臯羽同志方吳安在哉

泊河口家書

三尺孤蓬亂石灘已隨鷗鷺泊更殘聞得鄉音驚起坐漁  
燈分火寫平安



五老峯頂萬松坪同閣古古夜話限韻

身濱十歎不言危天下名山尚好奇相遇青蓮飛瀑地正當黃葉寄風時閣雲野宿常無定箭鏃刀痕尚在肌同是天涯流落客不須重與說分離

峯頭一一置身危峯底行人詫太奇話到三更清氣逼呼來五老月明時試尋古洞烟霞合定有幽人冰雪肌塵世應知無一事與君相約聽黃離

附閣爾梅詩

一峯層上一峯危峯到無層歎絕奇白氈非常難避世青山依舊不逢時三花寶樹頭陀掌五老星精處女肌菊夜相憐題樂府漢家鏡吹有翁離橫空五宿見虛危燈火茅簷話數奇海內謳吟如望歲

山中歸去是何時朱絃冷落陶公指青漆凋殘豫子肌曉起約君江上酒相逢原不是流離

東林寺

東林紅葉三天雨度嶺青鞋兩日眠佛影唐碑昏院落僧衣銅鈸赴齋筵壁間姓氏噉狐貉人世聰明仗井泉發願名山分芋栗社中久已散羣賢寺有聰明泉

圓通寺夢詩兒

五歲生魂十歲骸夢中依舊在親懷啼痕千里紅霜路灰月二更白浪來禪板無聲諸義墮瓣香初斷峽猿哀圓通亦有重來塔此意明明不肯灰

歸宗寺

右軍捨宅為禪寺池水相傳墨尚凝大字深劖年紀聖殘



松再記寺中興霜林幾欲迷晴晝飛瀑時來濺佛燈景物  
依然原不惡何須孔墨話無徵妄言周先生與真淨元結社

贈僧智瑞

繞門黃葉雨層層又作歸宗且過僧鐘板鹽齏銷罪過香  
燈書卷話霜冰孤峯七載君贏得波路千重我只曾不是  
此番真劫數世間那得見峻嶒

三疊泉

五老新瀑近方出朱子聞之爽然失濺雷噴雪發夢寐恨  
未一往起衰疾黃陳二子圖新泉摩娑坐起張一室黃商伯陳

和成已上皆朱子書中語嗟余末學又何宜先生未見得見之初疊懸

注大盤石二疊迸散紛紜垂三疊復會為洪流巖腹突兀  
增新奇高者釣天卑龍宮坐來世界忽更移烟塵鴻洞方

戎馬已忘雙眼經亂離須臾谷風滿落葉此景過清淒心

脾我思泉石生無始尋真未仙白未歿屏風疊中一叫路

江右土語以相望間為一叫路烟火豈能覆斯美太白已歿尋真仙神龍

據之荆棘裏或開或閉應有時表章乃賴子朱子但恐冰  
車雪柱句勳說雷同欺碎紙清泉白石苟相聞能保大壑  
不遷徙

玉川門與雁山夜話兼寄方密之

從來艷說玉川門真個披雲卧石垠鐵壁飛泉多奪路好

山明月亦尋人狂言不怕山精漏一慟堪為知己伸若遇

無公密之改名無可煩寄語故交猶未染紅塵

銅陵

飛流艸屋一青燈已作山中無事僧猶有未完行脚債白



頭浪裏下銅陵

過蕪湖憶沈崑銅

尋常有約在蕪湖再上高樓一醉呼及到蕪湖君已歿伸  
頭。船。底。望。浮。圖。

次韻答且中 以丁辛五

一生甜苦歷中邊治亂循環豈偶然曾向曉山推卦運時  
從拾得哭蒼天摩娑黃獨長鑊手抖擻花牛落日肩人物  
中原憔悴盡豈容吾輩只安眠 胡翰言十二運得之秦蕪山

書侍者墓下

八載枯骸古寺邊杉棺已朽石頭穿誰知日暮無人刊一  
樹藤花尚自妍

怨鳥聲聲不忍聽長疑汝魄伴寒星欲知此日愁煩意折

取藤花插膽瓶

與鄧起西晦水芝連祝三兒觀雙瀑次韻

剡中自古記名山奇地窮搜雙瀑間萱艸溪邊香確急明  
珠影裏墨池間風來少女寒松立虹字美人落月還道士  
丹丘今過此悔教波路十年艱 瀑布下為噴珠池

元嘉李信架茅亭圖志於今墨尚青甕裏名花皆是藥經  
中道藏只言星鞠猴長嘯歸烟霧木客深秋話廢興閣道  
三間成道院與君長夜枕流聽

王仲撫侍御過龍虎山艸堂

十年有五驚躡指又復頰君入剡中斜日蜂喧蕎麥路斷  
雲犬吠瀑花東相看鬚髮都成雪豈料乾坤尚在籠應是  
未還車馬債枉教南北徧游蹤 丁亥歲仲撫過剡中



刻湖豈是乏茅蓬那得君來住此中百卷緯書真絕學千  
秋國史附江東古松流水宵移算紅藥青檣曉負籠方伎  
儒林憑位置誰知世外有行蹤

緯書三史皆余所著  
仲攝欲居刻共學

### 鹿鳴

吾處荒山間數里無鄰舍二更風雨起高岡鹿來下初聞  
老人欬再聞新鬼罵艸堂四五人搖手戒言語寂然萬籟  
中鳴聲愈悲咤俵鬼與喪亾人言此物借行嘗似人立首  
或穿瓶罅我未嘗見之不敢明其假蕭騷無與娛此聲固  
閒暇人間多忌諱兒女易驚怕慎勿出山去與我庚長夜

### 智果寺松

天下之松何處奇上虞智果寺第一十里望之已差畏一  
片黑雲遮白日伸手爲股屈手勾勾三股四圍數七老榦

突兀撐晴空羣枝益藏不聽出枝不成枝太古藤枝枝垂  
地餘百尺何年龍蛇來鬪歿豈有好手相盤結雷疲風休  
雲雨寂小者笙簧大者瑟游人姓氏鑿頑皮百年已上猶  
未失吾昔兒時曾來此此時見聞只篷篔寧謂茫茫禹跡  
間便無奇材與此匹邇來出入多名山頗向寒巖留甲乙  
紛紛匠石枉死餘霧絡冰纏野火嫉托身木客數百年夜  
月流光已欲漆千年只有育王松不隨典午國運畢大林  
猶有曇洗樹簡寂曾煩子由筆板條吾亦摩娑久較之于  
此真弟姪數年以來數度看恨無健筆能稱述可怪多少  
齷齪徒天目黃山誇異質瓦盆堆放艸花伍眼孔不殊於  
蟣蟲此松落落固難合試攷圖經尚遺佚

### 何伯與雨中至龍虎山見贈次韻



淒風苦雨郭門東何事煩君入剝中歲晚梅花方爛熳老  
年詩句墮空濛不知誰啓雙鳥石剝中有鳥石門亦有橫飛兩白  
龍東坡廬山開元寺詩飛出兩白龍言瀑布也故山亦有雙瀑只算尋山來到此豈辭  
一夜寄鵝籠

歲盡出龍虎山

辛辛苦苦一茅堂誰料遷移又不常  
蠶蠶魚稍數尺熬盤螻蟻脚干忙  
梅花送我斜陽下瀑布留人道路傷  
滿日淒涼風景處三年賴此不淒涼  
亂石圍墻亂艸紛一庵只當一孤墳  
焦芽生意人間世漆火光明太古文  
目下老孤來乞食天寒怪鳥哭離羣  
安居亦謂應偷得豈意猶煩別暮雲

答何令見訊

以下二頁

五十棲遲一老生殘書破硯日縱橫  
深山雪合無人跡終夜風來只虎聲  
賣藥脩琴纔入市談僧算客與同盟  
豈期好事如明府累向人前舉姓名

壬寅元夕同澤望道傳萬貞一芝源二兒至郭姥廟

次去年韻

元宵又已歷茲辰寂莫村居及市塵  
所向村伶陳口號共隨古廟看遊人  
兩京舊事三生夢一鉢空山再世身  
猶喜年年同萬子瓦盆濁酒歷田唇

書貽孫女迎

鴛舌初調學話新牽衣索抱喚頻頻  
七年阿壽無踪跡見汝看頭又一伸

看清日秀齒排勻掌上明珠價自珍  
老子寄身為道士女



孫端合魏夫人

元遺山贈第三女詩有他年真作魏夫人句

壬寅二月中遇火次陶韻

長松縛茅宇亂石開南軒夜半有明燭停午無烟燔三載  
鏤頭滑花藥滿春前坎止復流行心跡異方圓年荒避盜  
賊舊居姑且還春風吹野火紅燄漲遙天新詩焦泥壁老  
樹天長年頽垣寒瀑響土銜月中閣遂令長往計牢落難  
貞堅故書出燄中葉葉如荷田惜此復幸此不廢食與眠  
吾嘗誓遺山賣書乃買園

五月復遇火

局促返舊居鷄犬共一軒縮頭床下雨眯眼竈中燔南風  
恠事發正當子夜前排牆得生命再拜告九圓臣年已五  
十香極不終還發言多冒人舉足輒違天半生濱十歎兩

火際一年莫言茅屋陋賓客非等閒鬼目不相矚而遜華  
堂整其理不可解辨說空用田昨者劉伯繩為我不安眠  
僕本方外人豈終保丘園

癸卯元夕遲萬貞一不至次去年韻

以下癸卯

兩年萬子共燈辰

辛丑壬寅兩元夕皆在余舍

今日遙瞻陌上塵不

惜繁華委逝水偏憐突兀有斯人小兒街鼓時千點二女  
名山雲鬟或半身總使淒涼也記取殫雷佳話與閒唇

自梅花閣遷水生艸堂次韻

稽山鏡水未埋身又聚清江藕葉新水郭鐘聲嘗數點夜  
聽燈火話三人生憎阮籍何多哭不與寒猿共耐貧莫恠  
放言驚世俗把茅萬壑久無鄰

病瘧



焦原雪窖間更翻遂晝夜試問病緣起龍風牽屋架冥行  
觸風雨寒水滴管罅憶昔巳卯歲此病經冬夏長生周廷

祥厦屋中陰氣拂杯竿再發拂水堂錢牧齋三發奔牛鬪

剪燭仲馭周鏞齋四發忽放救國門盛文酒甍然閉僧舍

朗三梅朗中及看生沈壽民浸晨必慰藉密之方以智診

尺脉好奇從肘下子遠吳道凝截瘡丸痿頓增吐瀉文虎

陸符黃雞方骨鯁終難化我容周美羊肉崑銅沈士柱

言甘蔗霍起會有時初不因針灸今者病重來廿年等箭

射殷勤念好友一一見凋謝至八月初八日我生是半夜長大從

逐隊忙何異蟻行罅金陵及易水發轅當初夏所以遇是

日未嘗覆一竿廿年烹牛車遂不歷堰壩弄水亂石溪是

日始天赦今年計是日瘧鬼當浸舍亦謂白版床羊裘足

憑藉豈意五更初驚魂久乃下澤望竟辭世雞聲千里瀉

是日吾之生是日子之化便欲仇是日老景無味蔗海內

稱三黃邈風亦親炙掘強汗險中時人避彈射碩果繫不

食誰謂望秋謝

寄友人

書來相訂讀書期不是吾儕太好奇三代之治真可復七  
篇以外豈無為雖然風穴車輪礙肯放高簷帽樣卑一個  
乾坤雙着脚風風雨雨不能吹

老母七十壽辰

霜雪消磨四十年眼前無物不凄然盛衰變故更千輩城  
市山林亦累遷白首有兒仍向學浙河此母尚安全去年

魏忠



節公夫人人間餘事空無有一卷金剛文字禪  
人已逝 應知氣運關天下不在衰宗門戶邊為痛名儒離膝下月  
方有澤 且憐賀客藏當年錦屏玉軸書官爵紫綬金魚列  
望之變 象賢共識前朝老母在無煩餘事亦流傳

南雷詩曆卷二

同門陳之問近思批點

敬勝吉較刻

待祝兒不至 四月二十一日以下甲辰

出門說是綠陰前何事於今尚杳然簡點新秧姑惡水支  
持舊欠月椿錢濤江不礙單身客端午還逢競渡船我亦  
歸程應計日擔頭書冊好分肩

三峯與熊魚山夜話

亂前曾是訪湖頭豈料今從烏目遊十載間關心力盡一  
龕彌勒晚香幽盡翻諫艸支那述危舉僧條同室讐脫得  
朝中朋黨累法門依舊有戈矛

贈以靈上座



南雷詩集卷二  
樹橋小寺寄城中不礙疎籬短楫通吾出千峯松雨溼共  
眠終夜佛燈紅閉枯舊句如霜冷曾遇師家得耳聾殆欲  
因緣相舉似無忘行脚過江東

同晦木高且中王雙白鄒文江文孫符周子潔徐昭

法集靈巖寺

艷說古吳名勝地松風五月隔兵塵應憐此日軍持下同  
是前朝黨錮人霜雪蒙頭羞佛火興亡昨夢到蟻臣狂言  
世路難收拾不道吾師狂絕倫

與徐昭法

人傳徐昭法可聞不可見我今上靈巖鐘鼓集法眷相看  
盡陳人不叅以時彥徐子最後來布袍中幅絹儲公覽拙  
文珍重壓端硯徐子翻讀之喟然而稱善謂是震川後敘

事無人薦虞山加粉澤可謂不善變落此一瓣香百年如  
覲面出其論文書并與他著撰體裁既整齊字句亦工鍊  
夜坐天山堂諸家評畧徧人言子寡言子言如竹筧乃知  
世知子猶爲子之羨

題簡石騎虎圖

簡石禪師騎虎圖下士見之爭胡盧豪猪健狗尚足畏何  
况虎乃殺獸乎腥風一過烏鵲噪俚鬼前後相牽扶安肯  
俯首出跨下給公指使同家奴梨州老人謂不然事固易  
易言非誣吾家四明萬山中虎聲夜夜繞坐隅落日一半  
在青楓便與牛羊爭路途有時醉踏明月歸欄向谿橋如  
蒙箕叱之帖耳避道傍不用尺箠相支吾此非有道習則  
然何况公事於浮屠



十月雪中觀牡丹

錢塘江浪高十尺錢塘衙衙雪堆積豈知萬戶深屋底牡丹一朶照几席丁東曳杖我渡江旅舍無火敲頑石有言十月開牡丹我時聞之便往觀晦木且中萬興國一人導者黃孟瀾小巷余氏白板扉紙旗標識瓦盆端主人向客誇勝事放來十日今未殘我向花前細揣摩艷情終少慳色多佳人絕世而獨立風餐雪虐其奈何君不見西狩獲麟非時出孔子亦為之反袂而滂沱

過馮儼公墓下

廿年靈隱山中土我向此間尚淚傾聞道野僧燒紙燭更無片石誌生平三番東渡交情在儼公三一闕西湖秋月明道闢與余歷歷難忘當日事白頭愧我尚零丁辨論湖上

集飲水生艸堂分得陽字

去年曾此度端陽倡和盈編號艸堂徑轉暫添新竹柏水痕猶記舊池塘闡題小紙三分濶勸酒天星數丈長勝事永和相較量座中無有不成章時有甚星夜出

十二月二十二日夢汪魏美

湖上遊踪已數年夢中相遇在開先夢同魏美在匡廬開先寺話舊幅巾酒量曾如舊僧舍寒燈何處眠湖海故人將盡矣風波此老尚巍然那堪出入如相避孤負山陰雪後船

拜輔潛菴先生墓

艸難埋沒水難齷五百年來輔氏墳日暮碑生牛角火秋深綠變女腰裙一時偽禁人將散千古微言賴所聞潛菴寅以後弟子朱門無列傳憑誰好事托斯文議重為立碑



乞炭

隨例裁成乞炭詩重陽風雨已嫌遲豈因橋下聲難變不為簧中字欲移蚓竅正哀秋在樹蠨湯初沸月登陴歡顏君欲耐寒士不惜佳篇侑土宜

乞西香

香方海上得傳諸四十年來盡學渠文士好奇銷麗句子孫度自造闈中待雪破蠻書將修鼻觀霜寒後獨契心宗夜西香坐餘艸木亦知有臭味從君乞得更何如

乞書副本

借書還書各一紙一段風流吾所師古墨間香魚亦壽新抄未較豕生疑絳雲過眼哀神物梅閣驚心落市兒副本君曾許見乞幸寬十指出支離絳雲收齊藏書梅閣祁氏藏書

吳自牧謂鮑螺自來無賦者因作

紅燭燒殘出鮑螺輕盈直讓一銖多深寒雪殿肌無粟斜日蜃牕頰有渦名向武林傳舊事桃留半壁自宣和最宜冷落殘牙齒映面醇醪不用磨周公謹書南渡市物有鮑螺

汪孝廉魏美

一別城西經七載巳亥二月望別于清波門外豈知再會竟無從狂濤遙隔龍威水魏美曾避地洞庭山妖夢難憑五老峯去年十二月夢與魏美會于廬山黏背相溫僧榻月寒甚貼背而寢勘心並坐斷橋鐘亂來消受祇如此天意胡然又不容

陳晋州士業

南都昔是論文地攜手同尋未見書銷盡故吾陰火力庚子士業書吾非故吾始留人物歲寒餘兩楹陽厭當春老一帖台安



尚復初

余四月寄書士業而士業卒于二月其子陳澍見答已祇告几筵

身後祇餘熊氏

集平生素古竟何如

澍書言藏書已遭兵火唯有熊勿軒集將抄寄

申山人自然

過我已經十二年

癸巳

存凶契濶各茫然湖南驚視君猶在

甲辰遇于南屏

斗北關心老未捐歿友孤兒收畫值

僧筵傳來末後難忘語只合要離塚共穿

叔父孝廉季真

別來方自更三月一紙龕疎出影堂兩眼真難埋下土幅

巾終不點吳霜蠅頭斜整殘燈字

六月叔父手書所作子劉子行狀

馬尾

新開

烈祖章

馬尾石建事因叔父脩家譜

藥不親嘗含不視泫然欲

孝已無方

錢宗伯牧齋

四海宗盟五十年心期末後與誰傳

筆完文抵債錢

問疾時事宗伯臨歿以三文潤筆抵喪葬之費皆余代艸

紅豆俄飄迷

月路美人欲絕指箏絃

皆身後事

平生知己誰人是

為公一泫然

應五六句

蒼水

廿年苦節何人似得此全歸亦稱情

廢寺釀錢收棄骨老

生秃筆記琴聲遙空摩影狂相得羣水穿礁浩未平

劉先生伯繩

頽山斷港鬱黃茅猶有斯人繼寂寥

磬瑟滿堂屢迹絕水

霜埋骨劍光銷病中三禮完猶改身後雙棺葬且遙落葉

辛丑二月伯繩來雙瀑院



仁菴義禪師

昔年曾記別雲居

巴亥與仁菴別于雲居寺

共學何人得所如

余規仁菴何若

領衆仁菴曰

曾入南都防亂揭

揭中張岐然

旋叅安隱救

與之共學耳

宗書潭吉忍住安隱作五山光銷鑠飛來路人物粗狂馬

走餘君亦何心成假借至今遺恨費分疎

萬克宗書來言從舒文靖璠裔孫見其先集朱陸二

先生答問尚存

以下丙午

甬上舒公有舊文郵筒千里特相聞鳥聲花艷疑流水漆

火枯青現慶雲朱陸未乾同異血淵源重破豫章墳春蠶

未脫寒燈殼好事抄書獨有君

八月小盡接家書有感

秋深昏曉異溫涼靜坐南牕白日長青鏡絲絲添鬢白家

書歲歲說年荒摩按老脚登高華堆疊沙鍋煮雪霜此願

此生猶未遂問誰挽汝落塵糠

擊拳豎脚此蒼天慚愧何曾讓昔賢一擊便當千里逝孤

身只合萬山巔握中算子饒王伯筑裏新聲雜鐵鉛斯意

今人無會取故令花艸得嫣然

過孫子度殯宮

城西數里路三义信步行來自不差病裏猶看爭坐帖亂

餘誰識墨兵齋子度齋額乾科颯颯和頭出寒葉層層詩句埋

一自九原人去後語溪風景不堪懷

偶成

以下丁未

江村無事髮鬢鬢信步斜流與斷塍香到刺花剛欲盡妮

人鼻觀又甜藤



喜萬貞一至自南潯以近文求正

萬子近從南潯來古文一卷請彈射寧謂子文已臻此焚香誦之遂終夕規摹震川之古淡加以剡源之色澤此道今人知者希為子狂言罄胸膈四十年來歸虞山所得一半只氣魄晚來隨波文字禪質以義理終迫窄是時落落遙相望千子疎通文止僻古文不入道學語干子答彙仲書斯言畢竟無阡陌弗人長句似東坡巨源小品亦中格壽州遺文知在無蓮鬚清風拂几席吾友進退旅千人一閩聲名亦赫奕豈知轉頭二十年朝華夕秀都狼籍不埋陳土數子耳揣骨聽聲竟何益只今海內學者誰玉山重按虞山拍靈巖昭法廬阜黃讀書窮年方矻矻昭法屈指文章家近日四人一窻窻生者迎人顧及太冲死者歸德侯方域

其一昭法不多讓其言然否不敢自余交侯徐不識顧余于三子僅為役萬子萬子幸勉旃余子並驅更誰適唯噫王李變韓歐一樣空疎各把筆狐獬畫舞蚺蟪號孰為斯文任其責

宿天章寺以下巴西

天章古寺山南陞義士曾將龍穴移繞地猶流嗚咽水林  
山詩水到蘭亭轉嗚咽滿山不見萬年枝唐玉詩遙遙翠蓋萬年枝即冬青也空將餘恨酬來客竟不開花償所知謝翺云此樹終有開花時却怪從前三百載竟無片石署哀辭

雲門紀遊

泊舟顯聖寺紆回入烟竹風旛表心路殘碑話興復幽賞淡忘言春山多古木



若耶溪邊路村村自楚楚屋角覆桃花竹筏載遊女溪橋  
數十丈水聲不聞語

莫話興亾事御書見廣孝山翠釀春寒筆塚荒晚照自從  
處士後麗句散窈窕有秦系麗句亭

明發過別院石牀僧臘古冷句記雪庭遺像侍五乳茶話  
且從容霧重滿山雨

應接多奇地天意亦開霽怪石風一絲任公釣石流泉骨干歲  
寶長洗骨地累累採樵人何必無避世

薄暮至平陽陳木殷勤同話舊剪燭點新文呼名招遠岫侍  
者總能詩投卷求指授

詰且登秦望沙彌為前導鯨浸合烟雲螳垤收城竈奈碑  
傳說異白葦空浩浩

兩山竹雞啼僧厨報火熟平明過艸市元徽之言未午入  
城曲古蹟待幽尋重來采黃菊

宿雲門幻際房

雲門二月桃花候慚愧禪師一夜忙白版放叅循鹿跡名  
泉凝乳奪龍香水霜皎月逍遙路雪嶠偈語幻沫雨寒鯨  
古道場慈山在勞山時山門大雨時注而日光皎潔視話  
到無人能領取松濤竹響一齊狂

達蓬紀遊

延連闕湖曲時復渡小嶺霜花明謝豹病葉填空井尚餘  
春色在夕陽照人影  
登登松路盡巨石忽當關艸香水亦香蹟沒靈不沒老樹  
不記年寒空留突兀



高人冥空無寄跡在文字苦吟嗣石屋廟碑創山志秉燭  
話更闌月明猿鳥至

明發上峻嶒烟雲煩分劈潺湲攬水巖昂藏鬪雞石黃茅  
白葦地相失在咫尺

東盡觀滄海往事一慨然浪中鼓萬疊鯨背血千年何物  
秦始皇於此求神仙

傴僂入古洞天光忽開霽危石削雙門蹠痕粲五指渾然  
太古中豈是開元始

剝薛見題名情親異代竟隆興錢集錦淳熙唐仲溫攀蘿  
復穿石勝遊今尚存

經行過蓀湖薄暮宿花嶼不有青蓮舌難與白龍語  
茲遊信奇絕隆冬聞杜宇

馮道濟齋頭見澤望圖書書此索之

石田耕叟此四字古銅章曾是藤龕澤望別號舊所藏茅屋有

心依瀑下元毛道士于四明山結石田茅屋文龍直欲破天荒松毛閣淡

遮寒骨故物零星出艸堂幸遇故人相珍重重歸日實亦

芬芳

同叩在聯木道傳宿石井閏二月十九日以下庚戌

偶從同伴宿山樓明燭談心夜未休簡點鳥聲何樣好銷

磨布襪幾番遊一村烟色千山瀑萬種春花三女峯頭侵

曉寒空雨數點幽蘭啼眼未曾收

贈仇滄柱

積葉聽前日日深讀書好自傍巖陰百科已竭時文力千

載惟畱當下心坊社連環何足解儒林廢疾望誰鍼憑君



一往窮經願明月當前日未沈

寓吳山

昔年曾向此山居。世繁華一夢餘。簫鼓聲中明月落。湖山勝處。美人居。朝廷議論歸名士。前輩風流在讀書。今日風光。渾不改。却將感慨自銷除。

遊西湖南山

凌晨出郭門。一舸破烟霧。赤山遂登陸。落葉莽迴互。初經高麗寺。澗水琤琮注。當年秦淮海。濯足脫雙屨。問途至法相。繁華非復故。念此長耳僧。嘗向明山寓。名花天外來。獨宿青松樹。石屋何窈窕。鬼斧開靈路。似道領客來。東坡同友聚。不沒雨。題名判。然若蒼素。延連烟霞寺。敗屋走寒鬼。四壁畫名山。半為風雨蠹。倦來枕石眠。乞茗醒初寤。何年

應真像。洞口黃金鑊。似與木客徒。登降相賓昨。苔蘚封隸

書彷彿尹氏署。

尹彥明

榻上風篁嶺。奇石窮鬼趣。何必一片

雲纔可銷麗句。酌泉龍井亭。時日已薄暮。更尋壽聖院。循澗板橋渡。野老指故基。秋墳衰艸暮。返宿鉢池菴。竹聲終夜訴。明且烟雲合。青鞋不可步。冒雨上湖船。猶披句曲墓。憶此經行地。曾執先公御。四十七年間。風光等飄絮。其事若夢中。恍惚不可疏。丁丑宿法相。其時澤望與秋茶。初出火新栗。猶垂露。請觀過客曆。拊掌笑常住。寺有三房。密舍其一。再來不得別舍。故姓名居止記之。甚詳。計年亦卅四。一棺已權厝。頭白吾重來。但為悲涼助。

得沈眉生書

結髮心期更莫如。廿年始得一封書。同人滅頂丁連甲。天



外舉頭吾與渠止水不收山鬼價人間尚有指南車明年  
有約浮黃海絕頂相看慟哭餘  
春盡來書歲暮收從前猶勝竟沉浮已輕野葛尋常味只  
少名山汗漫遊頭白未曾成一事燈青猶可役雙眸兩人  
踪跡非容易納納乾坤截眾流

甲戌管乾三寄三詩見懷久已失去從遺集得一章

因次其韻

不異封初寄豈知歲月深庭空傳毒鼓月白奏焦琴古塔  
寒花繞遺編老蠹侵重尋零落句感慨自難禁

寄懷太冲先生

管 籥

越溪寒色入之子意何深太華三生夢岷江一弄琴評  
書秋雨集跌坐竹光侵可踐重來約相思不自禁

閩人林君言 贈詩次韻答之 辛亥

鷓鴣先鳴艸不芳 淒涼往事話偏長吳霜已自點歸鬢  
海猶然記貼黃今日遺民誰汝社當年司馬盡無傷  
曹無傷語  
沛公難銷殘夢雞聲後不覺逢君又發皇

卽事 新菴有武弁楊長青女寄觀時現影響夢中

乞詩

城東小院隔花村 旅櫬多年壓敗垣風雨應憐依佛火爺  
娘何日送楓根櫻桃曾滿科場語甘蔗難銷冥漠竟從此  
諾臯增勝事雙鬟白袷立黃昏  
汪玉山事後人演為櫻桃園雜劇有讀書新菴者女

亦豫示以兆

不寐

年少雞明方就枕 老人枕上待雞明轉頭三十餘年事不



道銷磨只數聲

甲虞鑑清

唯君真朴出天然相識於今十五年每渡曹娥必信宿亦  
來黃浦共延連村祠月冷神絃急雪路梅紅茶話牽頭白  
可知無別事胡然一旦付荒烟

拄杖

癸丑

茶條七尺出東明月露風雲醞釀成秋壑聽詩逢木客講  
筵釋義示諸生一生將計數千載百里還看九十行自落  
宗門長失職一枝留此作干城

贈楚人屠宗輿其父官蜀中歿獻賊之難求余作傳  
而宗輿當父歿時年數齡耳不能知其節目向余流  
涕久之

黃州君是舊名家落魄杭州太守衙五月楊梅來渡日  
枰棋子鬧燈花浮屠猶著求兵箭戰地誰驅搏食鴉通人  
事舊事已隨流水盡茫然執筆共咨嗟

老母八旬謝祝壽諸君子

前朝忠節數南雷

余所居鄉名

潮打柴門日兩回五十多年人

物表登堂試看幾人來

漠漠風塵徧九垓艸堂依舊壽筵開書生不識從前事冷

落當年十四哀

四哀周仲馭所作黃石齋和之中有壽太夫人詩

八十年經幾劫灰春風不復到枯荜精臺向王家盡帶

取青銅自獄來

先生殉節時

盲風惡浪近扶桑故國飄零只數航唯有東林老寡婦手  
裁紅絹寄娥皇



史濱若惠洮石硯

甲寅

古來硯材取不一海外羗中恣求索今人惟知端歎耳聞  
見無乃太迫窄水巖活眼既難逢龍尾羅紋亦間出遂使  
頑石堆几案僅與堦礎相甲乙猶之取士止科舉號頃雷  
同染萬筆雞舞甕中九萬里鼠穴乘車誇逐日吾家詩祖  
黃魯直好奇亟稱洮河石既以上之蘇子瞻復與晁張同  
拂拭欲使蘇門之文章大聲挾洮爭氣力吾友臨洮舊使  
君贈我一片寒山雲金星雪浪竟暗驚恍惚噴沫聲相聞  
欲書元祐開皇極山谷贈文潛句愧我健筆非蘇門

避亂海濱清明不得上墓

乙卯

禁塋蔓草積成堆何似猶閣海上臺一道裙腰無主墓春  
風亦送紙錢來

春郊土女上墳同咫尺無由入剡中李白桃紅花已徧如  
何不到映山紅剡中映山紅望若錦城海上所無

南山亂定自海濱返故居

梅花開徧到籐花半載幽然玩物華今日扁舟將欲去此  
情不異昔離家

夕陽長向汝湖邊弄水看山上釣船一段閒情真不惡臨  
行多謝主人賢

孫千頃過訪同遊永樂寺次韻

亂後煩君顧高情近古人攜筇尋佛蹟橫艇量江身苦霧  
纏河鼓時近七夕驚濤泊石林一生幾輛屐三過老僧因水竹  
匡公處正宗匡與柳道傳善有水竹居二蘭祖闢音祖闢曾使日本善鼓琴有二蘭齋古  
來人物逝剩有雀猿顰龍去寒潭碧魂來楓樹燐孤帆天



際現斷碣土中真中鉢開來學風旛斷去津鐘催未返鳥  
月照欲歸雲秋水蓮花漏平田瓜蔓根一燈荒殿暗百丈  
古規塵茶話通身汗禪房出句神吾儕非土偶豈戀運圓  
甄

飲洋溪

重九已過五日強菊花消息在茅堂江山此處無兵馬紅  
紫塔前正艷陽甲子差年皆慶曆永和一會盡清狂籬邊  
不惜分攜去借得寒鏡木柄長

壽聞人老者

平生不作應酬文徵啓何曾入見聞却爲城東老措大染  
他一幅白羅紋

知君好士喜文人試問文人若箇真七十年來所見者可

憐空費此精神

車廐謁慈湖先生墓

山疊水環此一坏千年相證幾人來不知有意還無意一  
樹奇松覆墓臺

明明指示此光明今古何曾有暫停昔日千松虫食盡獨  
留此樹自青青萬曆二十年事

還鄉鐘鼓汗通身指點當機多少人爭奈殷勤無盡意水  
霜送出一山春

過史嵩之墓

莫道荒烟蔓艸墟千秋有恨尚留諸墓林遺穢何心也石  
柳鳴琴是禮歟方恨誅奸無特筆宋史不列之奸臣傳誰將奪謚尚  
濃書嵩之初謚莊肅德祐初以右正言徐直方劾見奪今其族姓不考重書初謚西天福地殘



碑下其功德院亦敗壞有西天但見僧人出荷鋤

除夕懷亾友

一年功課復如何文案已完學案多豈為聲名垂後世難將歲月浪銷磨

年年欲作宛陵行此願誰知竟不成只是西牕一夕話無緣銷受在今生

一讀來書一種愁昔年相約共周流如今總使身强健還忍重登疊嶂樓翁生約登疊嶂

越城魯卓近交親一見文章識偽真天意不留知己在抱琴更欲向何人

水纏雪壓僅遺民一載那堪去數人忍死終然留不住如何忍過此三旬沈翁生魯季卓沈治先趙禹功魏聖水

贈雲間錢子璧穀以下丙辰

幾社於今數十辰猶隨年少鬪清新憑君欲話當年事同是琵琶亭裏人

道遊堂小集次葉公旦韻

一時著論掩潛夫不數高陽舊酒徒佳節只將好句換名花豈怪老人逋諸子分韻不及余鳥無杜宇春長住杜宇聲為春鳥

此山隔潮頭青不殊海昌無山對岸越山在望如此風光良弗惡故鄉亂後得能無

題海上圖

去歲臨山望海昌今年此地憶家鄉濤聲一樣如鼙鼓愁緒緣何判兩行會是乘桴隊裏來當年噩夢已塵埃白頭自咲真多事又



向長塘看浪回。

題黃巖張魯山後貧交行

誰向中流問一壺，少陵有意屬吾徒。社盟誰變稱同學，慚愧奔洲記不觚。

同學之稱余與沈眉生陸文虎始也

題朱人遠日觀圖

指顧茫茫不可尋，片帆東去是何心。莫輕一滴指頭血，曾與滄波較淺深。

千奇萬怪亂礁洋，變姓劉洙向此行。多少蒼鷹飛上下，至今怒氣未嘗忘。

與陳青田上虞話舊

故人邂逅北山宮，梅雨花開一丈紅。細認都亭雙鬢改，蘭脩祇有上虞令。因言嬌女雪詩工，余兒婦青田為媒。未收華茂封都亭侯。

涕淚餘波在，墜城隍。返照中，兩度訪君惆悵去。此來又恨別匆匆。

讀蘇子美哭師魯詩次其韻哭沈眉生

昔年崑銅歿，余哭萬山頭。崑銅眉生江上稱為二沈今聞眉生歿，有客

自長洲探懷書一卷，墨溼尚未收。四月廿日寄瀨聲如轉

喉。書簡上書四月廿日瀨上寄為言我兩人齊契同，蘇歐奈何三十年。

溝水東西流，不腆敬亭山。聊以備庶羞，從子涉黃岳。杖屨恣冥搜，西臺賡慟哭。鼓山釋艇脩，登堂拜我母。此意良已

稠，一日復一日，眼穿疊嶂樓。兩人皆老矣，絃急調彌迢。亦

聞倡絕學，壁上觀諸侯。嗟我徒道聽，索處賦山囚。把書讀未畢，淚如珠。垂旒發書未踰月，君遂厭世。媮眉生以五月卒。何異執手別，豈知各一方。州憶昔定交日，有如豕遇豨。君方有盛



名我始脫戈矛南都多朋友導我相勸酬予時未知書鈴

鍵待君抽掩關茅曲下王途鑿通郵與周仲馭好談經世之學癸酉急

友難過海相援友人參將周梅骨戰歿叩門黃竹浦不遇

空注眸黃竹浦子居也時予在杭翁生相訪不值邂逅明聖湖沉痾忽以瘳議

持名士苦腸為美人柔武林傳舊事再盛不可求時四方之士皆

集戊寅我訪君君作帝京遊危言榜朝堂獨身宰相讐翁生

勅楊紅林翁生住處我信宿消息苦御廠延連黨禍起以南都防亂楊

阮大鍼必欲望門不可投乘桴喜從者變姓依婆留十歎

不得歿各得返故丘契濶歲月長吟咏道里悠予有詩寄翁生

與文江約宛水弄新秋翁生寄食諸門人無常住處惟鄉文江知之十年渠不

來日日想風猷義熙之全身唯君不可疢中間我寄書同

懷于歲憂人種繫一粒霜雪宜共稷宛其兩人歿茫茫來

者愁不謂斯言誠君竟從枯骸孤我天壤間不辨劣與優

九日同仇滄柱陳子榮子文查夏重范文園出北門

沿惜字菴至范文清東籬

兩兩三三郭外阡僧房籬落共延連高林初帶水霜氣風  
景俄成慘淡天如此江山殘照下奈何心事菊花邊不須  
更覓登高地只恐登高便泫然

寄陳介翁兼懷萬貞一

鴻雁北方來秋風滿庭除嗟我懷朋友氣象鬱不舒所懷  
翳何人有友在石渠君以通明質抗志古人居蘭絲析大  
義卓犖緯聖途當其臨講席敷論玉屑如將使馬當險鑿  
空出康衢借君如月眼滿堂勿躊躇浙東古文詞近日方  
權輿臬堂開之艷禹梅勝以癰國雯去陳言季野真書厨



文三不輕作意欲探隋珠破壞訓詁陋夔獻充宗歟貞一  
之秀穎介眉之奧樞應酬豈文章彼此皆述朱數子拔其  
一便可啓荒塗層冰與大輅尚未抵所於奈何君遠道貞  
一與之俱君固輕富貴繁華不足濡視玉堂金馬豈與茅  
舍殊憶昔聞君言非不企通儒一身事科舉又欲授生徒  
輓轡時文間遂不得讀書今君罷科舉曩累蓋絕無前言  
信且且當不惜回車熟處最難忘前哲曾疾呼

同張書乘陳簡菴陸水修家晦木郊外觀菊

聞道郊圻秋色濃小舟共出郭門東好花都發重陽後名  
品偏遺舊譜中件繫小籤真瑣碎畧觀大意只青紅一村  
看盡一村去如此繁華不厭豐

登雲岫山

卽鷹窠頂

觀合朔遇雨

海山日月看同升詎料偏逢雨氣蒸千衆欲觀憑碣石十  
年未見說居僧居僧皆言未見衡雲端爲何人歛屨市能因暮歲  
興豈必天工真有意明秋此日復來登

次韻祝獻虞

文瑄

話徐忠襄舊事

自從斯世失匡型潦倒無殊昔管寧總使挑燈談舊事有  
如鼓瑟聽湘靈寒松血蔓琴城字公墓在龍山野史雲迷日曉  
螟頭白相逢真不易眼光合放一條青

海鹽同彭駿孫陳緯度觀海

鹽官潮汐打城邊見此茫茫忽慨然幾千重翻地軸水  
壺一片失星纏分明昨夢乘桴吟零落殘書記事年不信  
乾坤如許大醯雞猶劫甕中天

謝胡令脩借孝轅先生藏書



聞說匡床楊子居何期得見昔年書塵封蠹走精神在墨  
艷朱明歲月除寰海被兵方賤士傳家有集勝垂魚一瓶  
還借我無有慚愧此來幸不虛

觀天寧寺楚石琦衣鉢

楚石篇章字字新猶留故物在城闈犀皮亦作齋鉢何方  
乞白氎禪衣不染塵已閱興亡三百載只消鐘鼓數千巡  
門庭自是能堅忍錯會捧持有鬼神

章淡如索書便面

少年被繡戴朱纓碩果猶然見老成  
禪狗餽熱油鎚淡如十年長我茶條滑  
便欲與君同卜築淡如山至今隱地負生平

次葉詵庵太史韻

三百五十字投來自修門意欲規感興麗不數文園誰爾  
塲屋眼而滌濂洛源讀之再三歎洗濯出佳言吾聞玉峯  
麓莊渠割曉昏此心爲主宰屹如砥柱存瓣香展餘千  
年歸玉墩干城意自遠碎鉢何足論曹溪鉢爲一傳爲震  
川月脇開九闍文章以載道不與江河奔太史金闈彥學  
不離天根天根莊渠源深流自長仁體春風溫何意疊洗  
中有此瑟若璠念予處幽篁何得御李君風期託想像求  
日而燭捫忽然惠斯詞繭絲析鵲崙茫然數難端口吃類  
子雲隱公已未來治亂留其根何條可設施慷慨未敢陳  
平生汎學海星野苦難分崇王及賤霸衆說徒紛紛非無  
豪傑士不救溺與焚始信本領濶寰宇方週巡不然朱墨  
行爲儒恐未真所以介子推抱桂枯於汾閔予幼失學患



難屢破蹟幽情發古思面目誠主臣姑置四海大未能康  
一身密爾文自娛無以答戲賓牧豕海上老所嗟非隱淪  
斯民方憔悴何以返夏殷聖學將墜地何以辨朱纁其責  
在公等學優而仕勤危舉天下溺豈徒門人親勿令吾鄉  
校竊議東海濱

四明董在中過訪詢知爲黃大冲先生及門於其

南行賦此奉送并寄先生

葉方藹

會稽有大儒世系出忠門黃童名無雙白首晦丘園六  
經探奧窔百氏窮淵源躬蹈丘與軻不肯託空言青衿  
數十徒講誦徹朝昏曾經其指授規矩秩秩存我聆聲  
譽久仰止情彌敦一官苦束縛負笈失討論董子家東  
海獻賦來帝閣視我頌一篇浩浩三峽奔所言雖甚夥

仁義實本根進止更可觀笑語藹春溫都雅周容刀貴  
重魯璵璠驚問所師誰答言是黃君聞之增氣歎寸心  
暗自捫譬如觀河者溯源必崑崙便欲裁尺書因風附  
南雲綿邈泝太始滓溟究無垠陰陽所統攝方冊所羅  
陳聖狂何懸濶王霸何剖分一一質蒙昧了了破紛紜  
書成再三讀羞澁還手焚寸莛撞黃鐘如何不遠巡徒  
詢容貌異那得馨欬真在昔文中子道學倡河汾韜迹  
隱弗仕著述擬丘墳高第房魏流佐唐爲名臣吾學苟  
措施奚必在其身先生富門徒半作王國賓斯道已有  
傳何用嗟沉淪與朝亟求賢側席心殷殷安知柴荆外  
且夕無玄纁北面脩盛典乞禮數勤子亦得挾冊函  
丈時相親勿着羊裘去蒼茫烟水濱



壽族兄鎮惡七十 戊午

衰宗時藝壓科場君與道傳稱雁行不謂一番霜雪後名  
花無主任飄颻

落拓無成莫怨天譬如只在未生前娶妻生子從新起一  
筆勾銷七十年

唯君澤望最相親泥飲村田作酒人已足輸君十六載山  
頭無酒溼枯茶

哀章淡如用去年清明贈淡如韻

藍水清流可濯纓相邀九老會初成已拋辛苦屠龍技共  
守淒涼折脚鐺溪路無橋知夜漲詩牌未穩急餘明豈知  
別成今古墓土新穰尚未平

老來白日繫長纓精舍臨溪何日成不見抱琴來水北猶

疑、裹、米、向、僧、鐺、耳、邊、苦、鳥、哀、三、界、脚、底、艸、鞋、斷、四、明、社、鼓  
逢逢君或出青烟詩句誦君平

端陽喜舅氏見過

六年始得此番來兩地已看過劫灰千歲寒松殭智果寺名  
四明兵氣暗南雷土硃瓦硯師童子伐鼓鳴鐘上講臺同  
是隨緣非得志差強伴食老三台

陸汝和索書

三十餘年月社人不堪追數各酸辛送吾每到三义路過  
市爭看四定巾楊鐵崖戴四斗酒豈嫌屠狗盡長宵其奈  
老妻呻夢中猶撇迴瀾去牡蠣灘頭月色新

徐虞求先生墓下

昔年曾是撫寒松丙子頭白重來掉短篷謝客荒臺人甲



乙徐公墓樹劍雌雄一腔熱血終難化百折師門是則同  
宿艸豈能收痛淚山川何日不悲風

中山人墓

金粟霜林古寺邊一坏黃土艸芊芊樓頭曾記南屏醉井  
底長沉德祐年姓氏未銷游俠口故人猶泊上墳船從來  
多少難平事不是因君獨泫然

周公謹硯

弁陽片石出塘棲餘墨猶然積水潛一半已書亾宋事更  
留一半寫今時  
剩水殘山字句饒剡源仁近共推敲硯中斑駁遺民淚井  
底千年尚未銷  
詩格清寒窮愈高須知此硯著功勞一時傳寫癸辛巷不

數從前丁卯橋

奇物終非井內藏還來發洩好文章流傳到我真慚愧不  
識可能繼弁陽

送萬季野貞一北上

已未

史局新開上苑中一時名士走空同是非難下神宗後底  
本誰搜烈廟終此世文章推婺女

明初脩元史以宋景濂王子充為總裁皆

金華人今以徐立齋葉訥菴為定知忠義及韓通憑君寄  
語書成日糾謬須防在下風

管村彩筆掛晴霓季野觀書決海堤卅載繩床穿皂帽一

篷長水泊藍溪余所居地猗蘭幽谷真難閉人物京師誰與齊

不放河汾聲價倒太平有策莫輕題

堂堂載筆盡能人物色何緣到負薪且莫一詩比老婦

楊鐵



崖有老婦應憐九袞有萱親重陽君渡盧溝水雙瀑吾被  
行上太祖莫道等閑今夜月他年共憶此良辰

尋張司馬墓

艸荒樹密路三叉下馬來尋日色斜頑石鳴呼都作字冬  
青樵悴未開花夜臺不敢留真姓萍梗還來酌晚鴉牡礪  
灘頭當日客茫然隔世數年華

本館同徐霜臯陳夔獻祝兒至唐殿宣書屋

共訪名園日欲沉四圍花木鎖秋深亭臺著處江山穩

東坡題此山有江山雖風景收來吳越森一賞固然高士願來

賢有餘亭榭著難穩殿宣令余至舉頭盡是開荒句不用奚囊

賢何况主人心杭下榻此閣

別地尋雪後芝兒上府終夜雨聲不止因念祝兒

雨聲銷雪聽琳琅白髮愁心與夜長篷底漏痕爭坐位  
孤城壽勢逼匡床祝兒在海昌書生門戶傳辛苦老子生涯  
出劍鏃安得團圍茅屋下傳經何必讓毛萇

次山曉韻

新成九老青孺社只在雲深洗藥村不是相尋尋不見猶  
疑擔板出徐門

庚申秋暮過訪太冲先生不值詢山童云看花未

歸悵然口占

本哲

短杖拄泥深尺許遠隨牛跡辨荒村先生乘興看花去

惆悵斜陽立板門



南雷詩曆卷三

方外本畫天嶽批點

門人施敬勝吉較刻

贈百歲翁陳賡卿

庚廿後詩見吾悔集以下壬戌

渾風久緬沒相刃在魂魄魁然號長者而生不滿百越城

陳賡卿年今百歲積六十舉孝廉四十仍講席時為小艷

詩風花繞几格小雪山陰路狂花禹廟石處處繫釣舟不

記幾回適念此百年內鍾石累變革一害少壯塵堆來千

百尺道旁與溝中何地非枕席君若不知者似與天地隔

生平百歲人不能三四炙慈水劉伯淵名位著宦籍曾憶

向余言江陵嘗歎息定宇

鄧文中豪念庭酒無敵

伯淵號念庭

西人湯若望曆算稱開闢為吾發其凡由此識阡陌近者



潘老人牛衣從賤役此皆元氣成人力無所藉吾聞九十者天子就其宅陳翁猶苦貧養老稱西伯廣卿名箴言生於萬曆癸未舉崇禎壬午鄉科至今壬戌壽百歲

青藤歌

文長曾自號青藤青藤今在城隅處離奇輪菌歲月長猶見當年讀書意憶昔元美主文盟一捧珠盤同受記七子五子廣且續不放他人一頭地踽踽窮巷一老生崛強不肯從世議破帽青衫拜孝陵科名藝苑皆失位叔考院本供排場史槃字叔考以院本行世伯良紅閨咏麗事伯良名驥德紅閨詩和者甚衆弟子亦可長黃池不救師門之顛顛豈知文章有定價未及百年見真偽光芒夜半驚鬼神即無中郎豈肯墜余嘗山行人深谷如此青藤亦累累此藤苟不遇文長籬落糞土

誰人視斯世乃忍棄文長文長不忍一藤棄吾友勝吉加護持還見文章如昔比

陳賡卿以所用拄杖見贈

老人百歲字賡卿贈我茶條金石形杖國杖朝姑舍是且隨劉樊拾青櫛

劉阮遺踪在四窗白公弟子更無雙一枝拄杖蓑衣社不署官階向石瓦不曾相陳翁四十年花時多泊鏡湖船青鞋我即無拘束不向紅塵十丈邊

聞太宰筇杖高元發所贈

石塘太宰筇州杖到我流傳百廿年猶帶華堂脂粉氣還須一洗化安泉化安泉最清烈



平陽寺觀舍利

平陽茶話後登樓觀舍利推牕邀日光微風捲空翠小幢  
烏思藏內裹錦絳地瀉出白磁盆銀匙盪撥刺或如粟米  
大或如芥子細半紅或半白細大同一致此名為瑟瑟注  
自白居易見集中將無以寶石而為舍利偽抑亦舍利者  
原與瑟瑟類琵琶行壽張不可知攷索姑且置即如阿育王銅塔  
慈聖賜塔中方篋盛篋中金鐘寄故故為遮闌無非眩人  
視遂有庸妄人哆口所見異吾友寒泉子不作此兒戲腐  
草化為螢老蚌明珠媚何況於人身總是尋常事

蔣萬為陸鈺侯洪暉吉在越城有壬戌七月既望之  
作余亦同賦

壬戌之秋七月望赤壁一賦留高唱所經壬戌十一番不

計治亂與興喪即今年月日俱同越城古寺棲遊杖魚螺  
聒耳中元會饑鬼慕慕啼益益娑羅兩樹月明中悲風激  
切影磨盪高山斷岸雖不見此景亦足供酣暘人言蘇子  
遊赤鼻姑取赤壁以相况清風明月何在無何地為真何  
地妄天壤名氏亦偶然始歎文人筆何壯遂使洞簫楊世  
昌賦中客有吹洞簫者乃綿竹道士楊世昌見吳匏菴詩能與孟德相頡頏我生之  
前且莫論我生之後壬戌兩前者余年方十三亦在越城  
看月上六十年來城市非唯有中天月無恙

越城七月偶見梨花盛開

花開六月玉山梨海內何人不賦詩今下越城花滿樹空  
圍惟有曉風吹

壬戌八月八日初度



今年初度亦何堪五十年前二十三小女新詩如濯錦門  
生土物自呼蠶甘肅水名自攜百歲陳翁杖去聽千尋樊榭潭  
危苦此生過過去不須重復理閒談

中秋無月示女徽音

准擬千山一夜明其如叢桂濕三更穿雲鴻雁無心到弔  
月莎雞分外鳴天意似憐秋思苦人間好罷斷腸聲明朝  
還向樓頭坐應慰詩人一段情朱淑貞中秋聞笛有斷腸聲之句

十六夜次前韻

先出蟾光分外明月華難定是何更霓裳久矣烟雲散清  
話悠然環珮鳴信是慘淒秋裏月又堪浙瀝樹間聲即今  
風雅何人主偏是紅閨得性情

題徽音詩稿

溶溶露氣滿空浮樹響泉聲一例收明月似聞此嘆賞不  
曾移過別山頭

絕代佳人空谷中梅花為骨雪為容豈知自是關天意恰  
好開牕玉女峯

薄命生來不自由性情偏是愛深秋落花衰柳關何事每  
見無端輒淚流

夢自九天玄女來一生長把白羅裁媽紅淺綠都清淨一  
樹停停月下梅

放翁片石在江隈古渡人喧返照回一自夷光家住後有  
人題作浣紗來

有餉余菊二本者

荒村九月盡始見菊花開亦了東籬事方傾重九杯黃柑



初脫蒂紅葉看成堆莫道秋容淡晚香續續來東坡吾嶺南以十一

月望與家人泛菊作重九

寄周子潔

不到姑蘇十九年魯靈光殿喜巍然難銷字脚模糊血打  
破支那籠統禪千里未成虎阜約幾番垂問浙江船剪燈  
聽雨西廳話雖老猶須一勉旃

寄周子潔

與君當日上靈巖鐘鼓聲中夜話僂過去年華方轉瞬同  
遊伴侶已多芟三杯酒量應如舊兩鬢吳霜亦大凡落月  
屋梁長入夢未知何日遂征帆

後赤壁賦有是歲十月之望余家居逢是日因賦

壬戌重遊十月望於今此日復相同寒阜人影棲紅葉平

野江流過塞鴻四顧依然留寂寞兩文偶爾破虛空無  
無酒且無客信足孤藤掠水東

紅葉本事詩

昔年曾上鳳凰臺紅葉紛紛撲面摧多少名流齊作賦司  
空品定始歸來庚午閩何匪莪為南司空集名士于鳳凰臺

重九南都看葉紅留將好句廣場中雨花臺上詩雖少壓  
倒清涼數十通辛巳江右戴初士為主人于清涼山余與林古度梅朗三獨在雨花臺賦詩

大街月色爛如銀共上酒樓四五人不道霜花猶抱樹瞥  
然重見病中身余與梅朗三蔡大美同看書畫賞紅葉歸吧二鼓復上酒樓

小牕風味絕塵囂未畫幽蘭香在毫一紙風波投絳燭只  
因曾與共登高陶英人座上吳次尾馮躋仲出一紙欲拘顧媚余引燭燒之

烟光初合舉蘭橈消息傳來過斷橋伺候酒人分散去坐



看紅葉盡今宵癸酉徐慧孺訪沈翁生于孤山

九日他鄉紅葉稠旗亭且泊葉村舟聞歌不用詢名姓小

字分明在扇頭庚子與范吉生飲端虹

孤筇無意到山嶠半道重將好友期日暮各沿紅葉路綵

霞不散女郎祠壬戌九月盡與沈文斗道傳飲獅林旁有三女廟

有感

老去風光似擲梭浮沉聊且樂天和三家村店同僧醉鮑

老筵前逐隊過筇杖偶隨牛社去新詩其奈玉臺多不妨

一一無遮蔽欲淨理還註脚磨黃泰泉有醉擁如花歌落梅之句註為欲淨理還

可憐世路每相違謗既無根譽亦非豈有草衣能絕俗又

無高論解重圍姓名誤落女兒口魑魅因爭絳燭輝一學

深文來伺我海鷗未必便驚飛

與道傳閒遊因至江北

終年無伴侶今日喜君閒天意假遊子晴光照老頑寒鴉

欲語雪野火正燒山欲向詩人問可曾拾得還

山厨畱一飯酒正下糟床案上無書卷胸中有石倉汝雖

生慧業天却賤文章日暮悲風起閤然各自傷

歸路人爭渡前村數里寬暮烟分聚落月色見辛酸細數

生平事都來逆水灘唯君能悉我相與共艱難

歲暮望兩兒歸

老去雖眠食艱難欲仗兒如何臘月雨不見夜航維落葉

驚孱犬風燈罷釣絲幾回開戶視空做一番疑

老病相隨至無人能服勞未曾經事父豈忍責兒曹血路

看雙足家聲繫一毫苦言誠藐藐遺恨我蓬蒿



門士查夏仲自黔中還以棕竹杖爲壽  
水西綜竹杖將送自門生猶帶蠻烟色來親錦瑟聲獨行  
無界路不問世間程老去時防埴誰言撒手行

苦雨

以下癸亥

一冬寒日照枯枝陰雨偏留花草時怪道爭儻懶惱曲古  
今何事不參差

青青百尺自長拖新曲誰翻折柳歌一樹寒烟吹不散怪  
他性格喜風波

荅陳介菴太史五十韻

弱冠弄柔翰經史無根柢勉爲場屋學亦復趨靡靡業旣  
不精專所以兩墮矣自從喪亂來讀書瀑布底苦身四十  
年畧諳文首尾先秦兩漢下沿流近代止烟海浮萬卷但

苦記性否其間亦自思詞章鄙事耳蟻蠓處甕中誰知  
萬里夙生所結集難圖八識藹因文以見道或者其  
此心固旦旦知者唯吾子故欲子序之廢疾從之起也如  
因皇甫聊以杜譏訾近者子書來爲言其所以人豈不自  
知放筆敢輕擬積雨謝塵劇以待靈光啓此乃子謙言其  
實不如是在昔爛程文名爲館閣體其言不雅馴千篇等  
一紙時風撼石渠啣璧向王李瓦盆辛白間安得耀雷洗  
翰林無文章此言固非毀焦澹園陶石簣黃平倩後出興  
然懷此耻刻意爲古文欲摩韓歐壘成家雖僅僅後進露  
涯浹猶如客羅刹一朝覩桑梓遙集有倪鴻寶黃石齋振  
奇繼斯美年來久寂寥啞鐘亡宮徵子昔示吾文館課乃  
有此不度蹄涔微直欲觸鯨鯉且耐松柏寒不肯採芳芷



陋哉何人言修辭寧失理行當霸斯文豈獨邁舊史子祖  
后岡公倚撫李何始荆川旣虎帥蘇門亦接指發源自崑  
崙到海難爲水曾聞子建言述諸丁敬禮文之有佳惡吾  
自得之已後世誰相知定吾於旣死嘆茲爲名談不受流  
俗喜子何所疑難而欲他人委方今文章家多不下茅葦  
隨人撇其門皆可作者比無與文章事僅可充筐篚願子  
敦古道幸勿諱瘡痛不學老而哀尚當竭餘畧待彼潦水  
盡寒潭畱清泚不然郝楚望自題亦甚偉著書百萬言不  
假夫已氏

懷金陵舊遊寄兒正誼

記得城南路登高木末亭清風瞻畫像

余初至見方正學先生畫像而日孤

峭再至已易塑像畫像不可復問

舊景掛岩屏

太白有賦詩畱岩屏句

藉地皆芳草

清歌指妙伶因懷松柏下苦雨出荒螢

右雨花臺

金碧琉璃塔曾登至九重詩人同蹀躞

吳人林若撫

開士亦從容

春對旗亭雨孤鴻江上鐘至今猶夢寐詩草落寒茸

右報恩寺

當年舉社會高座間精藍有晉風流在聊容制義叅名流  
十五國夏課一千函投老牽前事祇堪作笑談

右高座寺

河房曾掛榻不異蓋珠宮數里朱欄日千家白柰風渡煩  
桃葉淚舟賽角燈紅昔日繁華事依稀在夢中

右秦淮河

臺傾鳳去久猶自護寒雲玉像銷釵釧詞人記錦裙南皮

絲竹盛北海姓名紛司空何遜裴九當日吾年少翩翩自

逸羣右鳳凰臺

鍾山多古蹟強半入園陵天仗曾陪入同魏國徐芒鞋幾



斷繩銅牌逢老鹿，落日訪居僧。但說山中景，應無及廢興。  
右鍾山

斷岸觀音閣，同人四五遊。長宵喧水鳥，落照集漁舟。詩法  
空江冷。時梅朗遠山看黛愁白楊風獵獵皓首獨登樓右  
燕子磯

曾寓鷄鳴麓，岩堯累自攀。功臣肅像貌，僧塔鎖刀環。秋氣  
生羅縠，晴光出黛鬟。自從採菊後，此景不相關。右鷄鳴山

西北烏龍窟，幽棲讀易堂。何天玉於此著潭中見塔影，隔

水聽風篁。載酒蓮花筏，吹笙茉莉旁。宴遊今歷歷，腹痛在

山陽。右烏龍潭

南中遊學日，猶及盛明時。朝入時文社，暮拈分韻詩。酒樓  
登月下，秘笈訪山雌。勝事真難數，汝今試問之。右總序

江村

江水繞孤村，芳菲在何處。春從啼鳥來，啼是春歸去。

抱病南窓下，孤吟苦雨題。往來詞客少，次韻有紅閨。女徽音

次鄭禹梅春暮韻

浸尋衰病異他年，詩瘦三分賈浪仙。花到棠梨成鬼節，村

寒楊柳過餞天。春光已入離亭笛，燕子猶啣細雨田。不是

病中多感慨，此生豈易至華顛。

五月二十八日書詩人壁

不識山村路縱橫，但隨流水小橋行。一春尚未聞黃鳥，玉

女峯前第一聲

水晶宮殿玉雕闌，絲竹叢中墨未乾。却道詩情多富貴，故

教村落寫荒寒。



不釣簾幙晝沉沉難向庸醫話病深不識詩人容易病一  
春花鳥總關心

鄭平子贈詩次韻

得覲高風已有年山川管領屬神仙幅巾筇路何須廣  
谷口蓑衣別有天鄭子真鷺入青秧烟漠漠雨來紅藕葉  
田田眼前景物都收盡真是詩家百尺顛  
生平無事不屯遭呵壁重來欲問天方伎如台真百碎筮  
人假爾只三連奇數頭顱不信髡然老伴侶何人世亦傳陽  
伴雖是先生多假借終慚楊子十三篇

同輪菴飲虞咨牧陽和書院

拄杖丁丁躡石梯快風忽至竹痕齊主人情重鞭歌妓咨  
以家樂緩佛法無多漏木樨已視興亡如院本故翻黨劍  
答歌者

西、作新題時唱阮大鍼詞舊人此日唯君在話到當年日已

弔姪女印月禪師

喜師投老得祇林叢竹小樓禪影深但覺病中同姓好豈  
知沒後隔年臨猶留弟子能談舊為述機緣誌塔陰每入  
郡中茶話久此來能不淚沾襟

同董無休何伯興施勝吉觀徐文長題壁次韻

文彩猶留敗壁泥百年多少日沉西不將紅袖借來拂唯  
有籠窓對影低

尋禹穴

昔者太史公萬里探禹穴余為會稽人至老遊尚缺久息  
風塵慕何故違清轍茫茫問禹跡居人且未決多言窆石



是更無他曲折又言三百里不爲一隅說稽古按唐碑陽  
明洞爲覈吾爻董無休門人施勝吉共坐黑箬篷十里如  
電滅稍憇宗鏡菴放步迷烟霓攀蘿遲遙響不顧行膝裂  
窺刊崩石下恍然玉堂設題名唐宋年被彼怪藤齧摩娑  
手眼勞方讀忽又輟幸哉一字通勝拾古環玦聞昔有洞  
門今已遭闢截金簡玉字文護持有鬼孽惟有人間書聊  
爲太史竊我來三嘆息欲撞錮門鐵洞中風颼颼天空飛  
絳雪

宋六陵

一片荒烟地云是昔攢宮秋墳已罷唱隧火不吹紅古蹟  
今何處落落幾株松歷代祭告文頑石堆西東千年龍穴  
移此地原荒叢鬢髮縈香烟孟后髮枯木齧寒蟲徽宗柩

唯有頂骨碑哀怨訴蒼穹唐林義士祠久矣委蒿蓬  
何代無此恨真無窮青天白日淡幽谷多悲風更無雜鳥  
來杜字哭朦朧

與唐翼修廣文論文

人物由來稱婺女百年冷落繼前修至文不過家書寫藝  
苑還從理學求君已徧參新作手吾方屈指舊源流秋香  
習習山陰道時有書聲出畫樓

題顧端文往還書札

無人此日思元祐忽見遺編鬼護持翰墨無非道命錄姓  
名都在黨人碑冷風熱血留亡社大義微言助九師今日  
是非猶未定尚將淮撫話支離

九月八日顧郡守雅集



霜天黃菊設賓筵投老猶能一暢然酒自惠泉欺菊水郡守

無錫人以詩成廣坐盡瑤篇相酬恰似交花藥梓州藥市

家釀見飲日好論非時發杜鵑殷七七雀林開杜鵑花亦九月八日坐久蕭蕭木葉下

已看新月學弓弦

### 王九公邀集湖舫同毛會侯許霜巖王獻廷祝兒

慘淡湖光亦自妍烟中紅葉雨中船數聲新雁難分字一

曲吳騷累折絃坐上已多遷謫意遊情不似太平年雪泥

鴻爪知無定相對那能不黯然

### 張騎峰雷琴篇次韻

古聲埋滅南風隱掩抑淒清纏繳軫木性未盡聲易訛總  
有長絃亦痺窘製琴姓氏夫誰何誰諧二十一章歌有唐  
路氏及沈蚪好奇甫欲登雲和蜀中雷氏按故事腹中藏

得陽冰字當時朝市不可見瞥然至寶多僧寺千年變衰

新聲起世眼何曾辨朱紫卽有鬼神勤護持亦偕斷木沉

泥水莫言伯牙無知音孤桐夜夜哭篋底好事求材長足

併對面不能知其然晴峰先生世宗工玉林繁露董學全

一物不知儒者恥古器殘破求其緣忽然古道照顏色遂

覺宇宙不逼仄神物自慶得主人時有光芒吐瑟瑟一彈

枯淡契慧能再彈漂渺追無名霜空月出音調苦孤鶴飛

來江上橫嗚咽似聽興亡註至情更在無聲處若用此琴

配笙簧黃鐘真聲庶可遇琴笙相調是從來志士嘗悲秋

植杖只將雞豚收總使夔龍亦糞土撒沙江海同星漚古

來多少不得志梁父白石鳴鐘璆日月大抵多朏朏流落

寧止一琴棄先生憐才如李韓此琴之來豈無意綢繆宮



陞汲猿鶴大鈞造物轉風氣

雜咏

少年飾卷趨槐黃燈火呼名入號房昨夢已隨風絮盡豈期南面至公堂

瑟瑟西風遠黛青幽牕梧葉自飄零西湖多少閒花草一槩都來插膽瓶

方沈溫韓閔蔡唐魔君降下豈尋常徐神翁對蔡京之言可憐碧浪

湖中水一代銷沉在此方

江上才人亦自妍篋中聞說有遺篇平泉移得瓊花種不管春風到麥田

懷陳令升

扁舟不向鹽官去夢寐猶留在轉塘但覺世人多勦說始

知此老有鋒鋌墨翻紅燭三更雨賓集草亭萬對香却與明山老措大殿勤五載共書堂

過法相寺 甲子

不到名藍數十年重來風景覺蕭然山中幸喜存長曆劫冷能留不壞烟

書事

初晴泥路覺槃跚聽徹松濤骨亦寒莫恨西風多凜烈黃花偏奈苦中看

論文不苦病相磨剪燭山窓夜已過記得填詞三百本緣來最苦是情多

昨夕松風對短檠病中無語不酸情月光今夜偏無賴江北山頭分外明



童王兩校書乞詩

崎○嶇○山○路○出○天○台○猶○帶○桃○花○日○影○來○一○曲○琵琶○山○市○裏○頓○  
教○紅○葉○滿○蒼○苔○

舞○榭○村○村○紅○燭○明○徐○娘○髮○薄○尚○多○情○一○天○風○露○侵○條○脫○唱○  
到○陽○關○字○字○清○  
拍○板○紅○牙○子○夜○天○烏○啼○枯○樹○欲○生○烟○知○音○誰○賚○纏○頭○錦○踏○  
破○紅○糴○八○百○錢○

送二校書還天台 十二月初六日

杯○酒○殷○勤○死○轉○聲○老○來○白○壁○賦○閒○情○應○知○此○後○重○逢○少○莫○  
任○金○釵○墮○燭○檠○

蘆○橋○再○到○望○雲○英○未○必○江○潮○信○有○程○吾○只○重○攀○清○遠○例○三○

郎○祠○下○咒○吳○迎○  
湯若士詩云暗向清源祠下咒教迎啼徹杜鵑聲

題獅林壁 乙丑

綠○暗○紅○稀○社○鼓○闌○子○規○啼○徹○酒○壚○邊○饒○他○多○少○堂○頭○老○爭○  
似○村○僧○白○晝○眠○  
小○菴○恰○在○女○峰○邊○躑○躑○花○開○一○徑○穿○酒○債○尋○常○君○莫○問○一○  
春○自○有○賣○茶○錢○

